


粵太記

自元九
至元二

漢書門類			
九	〇	七	六
一	〇	三	函
一	〇	三	架
一	〇	三	冊

內閣文庫		
元	九	漢
二	〇	書
函	七	
一	〇	
三	九	
架	冊	類

內閣文庫		
番號	漢	9076
冊數	10 (10)	
函號	222	83



四
川
通
志

日
本
通
志

卷之五

政
事

卷之五



粵大記卷之二十九

政事類

水利

嶺南郭棐篤周甫編

淺草文庫

六黃弓月母之員河堰霸澳唐尺斤足出焉

[Faint bleed-through text from the reverse side of the page]

槽以承水溪水散緩則以石約歸輪下使急水急則輪轉如飛每筒得水則底重口仰及輪至上則筒口向下水瀉木槽分流田中不勞人而水利自足蓋利器也夫桔槔處有之或運以手或運以足或運以牛機械之巧無踰此矣

鄭樵通志畧

漢安帝元初元年詔江海陂湖園池屬少府者以假

貧民勿租賦

文獻通考

水部諸州堤堰刺史縣令以時檢行而泄其決築有

隄則以下戶分牽禁爭利者

唐書百官志

宋太祖開寶八年知瓊州李易上言州南五里有廣

靈塘開脩渠堰溉水田三百餘頃居民賴之

宋史河渠志

太宗淳化二年以霖雨詔諸州河隄使豫圖繕治

興脩水利起熙寧三年至九年府界及諸路凡一萬

七百九十三處為田三十六萬一千一百七十八頃

有奇

以上俱宋史

洪武二十七年勅示天下凡有陂塘湖堰可以蓄畜備燠旱者或宣洩以防霖潦者皆因地勢修治勿妄興工役培剋吾民仍遣監生人材分詣天下督吏民

脩築水利大明會典

正統六年詔農作以水利為要各處隄防閘埧或年久坍塌不能蓄泄陂塘淤塞及舊為豪強占據小民不得灌溉已令脩復或有未脩復者該管官司仍即依例整理應修築者悉令修築不許怠慢敢有豪強占據水利者以土豪論罪布按二司官巡按御史巡歷提督務見實效若苟且文書虛應故事一體論罪

廣州府南海縣圩岸四十五

白石大攬祿步豐湖蟠江溶州壘滘村魁岡綠

潭上冲上圍張垵一豐寧興賢西隆登俊大富土盧烏

桂伏隆登雲楊梅陸洞大良大朗金紫小攬蘆荻高豐南岸蔡坑清塘土塘樂塘共障田六千五百餘頃

番禺縣陂十三望岡橫岡大坑大塘竹樹黎村白塘沙大潮小坑赤選白泥波浪黃岡

五新塘橫沙河潭一洗馬潭共灌田一千三百餘頃

順德縣圩岸十二百滘葛岸鷺洲平步甘竹簡林雲津龍山龍江沙頭吉利冰藤共障

田四千三百餘頃

東莞縣堤三西隆鹹潮陂一羅家塘一張婆塘共灌田三萬三千餘頃

餘頃

增城縣陂七官陂羅陂百家百姓社頭燕江陽大山圩岸二張州沙坳共灌田九

千一百餘頃

香山縣陂四 張江竹逕爛泥男鬼 沙坦八 北海渚獨

昔三洲海心箔 步裏沙外沙

新會縣陂一 落鞋塘一 五斗基圍七 陂亭大小基圍

招村越塘天河共障 田六百五十餘頃

新寧縣塘二 古成水圍三 朗尾浮石那滘共

清遠縣陂四 大陂坑口木兜湖 石灌田四十餘頃

三水縣基圍一十九 黃家御鷄陵土塘南岸烏石二

頭董興黃家南岸黃塘烏石獨 樹大良共灌田三萬三千餘頃

連州陂十二 邪陂楓陂龍腹嶽前福濟長江東江 塘田心刀未太平三樂共灌田三百

十餘頃

陽山縣陂五 連陂橫坑胡塘三 麻茨木塘白石蓮

連山縣陂三 觀陂管陂鷺陂岡 共灌田十餘頃

韶州府曲江縣陂五十 郭西城高夫列凌州凌江轉

福倉下東土石寒姑草田溶田屈塘小溪橫溪岑江 過江龍逕口迴橫分橫石周岸漕溪南華湧泉大泉

東錫風山藍坑橫岡陳岡月華平峯獨峯石溝剪溪 步李灘大黃留村馬渡活水龍塘中心湯村零溪曲

澗九江水共灌 田九百餘頃

英德縣陂一 大坑四 觀音山古羊溝水十二 青水塘

孤村水頭黃塞上良蕉園青洞鱒魚 龍口金坑長壽共灌田二百餘頃

翁源縣陂二十一 詹公坑 鉄蘆員潭 河源油草塘 九

石張差山塔山沙溪乍崗 圳五 泥頭坑 虎頭石 赤塘

黃子灘 橫嶺 裏嶺 大坑 陂 圳 五 泥嶺 坪上 惠大坑 塘

五 三坑 岩背 蘇竹 候嶺 隴 頭 共灌 田 二百餘頃

樂昌縣陂五十 黎子坑 小水 馬擠塘 中心村 大望黃

峯黃栢坑 崑山 坦資 溪墓頭 石龍潭 深度 水梅子 坪

鉗脛竹 潭出水 岩黃崗 逕口 確背 下甜 萊南 埔中 湖

變石 舟車 坪欄 朗蒲 竹雪 崗白 泥井 詹公 坑獨 脚石

羊牯 撞下 潭水 烟墩 蕉頭 坑龍 逕石 羅礮 陂場 接羊

逕將軍 弓背 冷水 棠梨 卅竹 曹確 狐狸 狹牛 頭嶺

小羊 洞佛 祖前 魚溪 蘆竹 共灌 田四 百四 十餘 頃

乳源縣陂六十 大陂 錢崗 西水 石頭 小溪 歐陽 塘黃

石青 石天 井湧 泉馬 頭濁 青潭 龍溪 武峯 蘆村 平羅

福崗 南水 王福 寨樂 崗王 公古 毋半 星遼 水深 崗月

坪山大 桃雙 橋神 步深 源均 容橫 溪江 灣圳 白石 坪

山大 塘朗 頭梅 花井 上石 帶下 石帶 神定 出水 岩過

水石 隴上 新下 新天 塘鰲 溪赤 土龍 盤白 沙流 沙岩

背源 蕨坪 源新 田源 鄧坵 陂共 灌田 四 百 餘 頃

仁化縣 三十五 桑頭 銅口 車陂 白石 官陂 鵞頸 烏石

橋界 江董 塘茅 坡白 星寺 邊嶺 水東 水西 赤嶺 橫陂

田背 社橫 山沙 對塘 平石 會水 沙龍 虛陂 潘陂 嚮石

鷄里 白虎 黃岡 圳十 坑小 莊泉 界山 泉黃 獅坑 楊柳

長連 東田 陂圳 十坑 小莊 泉界 山泉 黃獅 坑楊 柳

崗南 塘九 蓮塘 犁離 冲白 坭冲 下渡 桐子 樹下 獅子

三百 餘頃 十餘 頃

南雄府保昌縣陂六 凌陂 葉公 連陂 虎塘 六 永溉 太湖

永灌 長豐 新塘 灌田 一百 餘頃

始興陂七豐坡李坡湖坊下塘二許塘蓮塘共灌田一百一十餘頃

惠州府歸善縣陂一白馬塘一龍湖三豐湖鰲湖同湖共灌田二百餘頃

博羅縣陂三大陂大堤四隨龍蘇村登山鉄冶瀝共灌田一千二百餘頃

河源縣陂五超陂官陂土陂仙女黃

龍川縣陂一石鼓堤一蘇湖一整塘二柳塘整塘共灌田數一頃

興寧縣陂三黃珏新塘三蓼塘耳溪八篤溪涼溪湯塘令水

上堡中堡下堡池一黑池共灌田二百二十餘頃

長樂縣陂二烏陂井一冷水共灌田一百餘頃

潮州府海陽縣陂六黃翁黃竹洋橫塘溪一三堤十赤水石堰新溪

五古堤歸仁大和登雲南廂西廂東廂登隆隆津步東莆南桂江東三外莆堤障田六萬五千餘丈

潮陽縣陂二十六黃竹東隴小莊高豐陳思老虎禮家新溪西溝斗門官陂陳和橋宇

小坛菱莠坛頭赤跡客陂材林板溝橋石橋

揭陽縣堤七南門龍溪泓頭長岐陂十二長潭金湯相思雷岩青龍堤夾鹿景曾

坑新豐曲潭大榕烏溪樟溪河口蘆

叢虎朴潭共灌田二萬三千餘丈

程鄉縣陂三紫桑甲

大埔縣陂十三坑小陂林屋大陂頭大溪連坑圳十

五恋墩福壇小公坑南橋松山漳溪洋陶廣林新磯安樂坑許田河腰古野鳥槎三洲共灌田一萬七

餘頃千三百

肇慶府高要縣堤二十五附郭水磯新江頭溪攬江塘步橫槎大園金西白涯

范州柏樹大灣鎮南谿陵黃家塘大沙羅岸羅營規塘玩埔黃桐石碕大寅金溪共障田八千餘頃

四會縣基九埔橋隆復高路攬岡白坭湖崗塘歷白沙廖山共包田三千二百餘頃

新興縣陂六赤子馬巷觀登雲區羅馬黃漠共灌田一千五百餘頃

陽春縣陂五橫牛羅鳳上坑荔枝崗大崗共灌田七百餘頃

陽江縣陂一譚流灌田數頃

高明縣堤十大沙石碕停步白鶴小零進陂七石陂州菰菱綠葱蛤菜東坑鉄冊

岡橋頭岡大逕下共灌田一千餘頃

德慶州陂十風料高車共滑古龍見村羅埔大蓬波花牛渡鎮康共灌田千餘頃

龍水縣陂二大陂羅岸

開建縣陂十二似龍大洲嚴崗圓珠源斛九旭九源姚田南耶大林小林淡霜共灌田三百三十餘頃

高州府茂名縣塘十五長界荔枝潭浮鶴面梁粘南燕烏魚平山撻石蓮子獨樹

新田張界山圩岸八吳山賣冠上澗地安延銘懷境昌符勒菜

電白縣塘十二車田羅村立石新村野狸雲關石鰲奇石光良山清湖高龍赤坭山口

陂四潭白通江後山長籬圩岸四賣犁村上保寧下竹共灌田二百餘頃

一百五十餘段

信宜縣塘五冷水羅黃大蓬陂七聖洞六場陰沉水栗木路倒流川榕梧桐六堰張

橫共灌田三百餘頃

化州塘八賀村職田竹子謝留圩岸八水東長寧博

油竹高嶺盈河共障田五百四十頃

吳川縣塘九廟底神塘羅山村那葛占圩岸四新村

窪頭溝三深塘吳屋毛師等共灌田三百餘頃

石城縣塘四平坡三角陂五周家那蓬暮院高倉

廉州府合浦縣江二清成溝一江州水溝

欽州水二魚洪靈山縣泉一官田共灌田井一二百餘頃

雷州府海康縣塘十一西湖白水石奇徒兵都慈四

陂十窮源那耶徒麻象骨曹家羅潮潭望

遂溪縣塘九潭車古洲張熟都興調泉二石泉白堤

一捍海共灌田五千

徐聞縣塘八龍摹保水連塘李家井七六角英舍盡

計南那博共灌田一千四百餘頃

瓊州府瓊山縣水二坡亭圩岸三濱壅博陂九塘心

東岸潭溪岩塘綠松塘五東屯圓山譚宅南天潭鄧

大潭橋中南賴梁陳塘五共灌田一千八百餘頃

澄邁縣塘一塘陂三灌田二十餘頃

粵大記 卷二十九

臨高縣陂二

那新那隆灌田五十餘頃

定安縣水一

巡崖溪灌田二十餘頃

文昌縣陂三

延潭牛

會同縣堤四

牛浸嘉會黎越端趙灌田十餘頃

樂會縣塘一

陂塘

儋州江二

大江小江

泉三

水井德義那細堤一千四百餘頃

昌化縣江一

江塘二

居候村利村

萬州渠一

衍陂八

後朗吾家蒼溪橫山多謀訕埔車頭吳九共灌田一千餘頃

凌水縣溝一

大寨水

南邁河一

大河

崖州陂八

都陂柳根石頭南畧石牙埋鷺抱里高村

溝八

雷溪浦乙溝水南達隴中亭仰

重抱架橋門共灌田一千八百四十餘頃

珠池

漢章帝章和元年鬱林晉大珠園三寸安帝永和十

五年鬱林降民得大珠園五寸徑七分

注古今

順帝永建四年詔曰海內頗有災異朝廷修政大官

減膳珍玩不御而桂陽太守文龔不惟竭忠宣暢本

朝而遠獻大珠以求媚令封以還之

晉陶璜自交州上表曰合浦郡土地境埆無田有農

百姓唯以採珠為業商賈去來以珠貨米而吳時珠禁甚嚴慮百姓私散好珠禁絕來去人以饑困又所調猥多限每不克今請上珠輸二次者輸一鹿麕者蠲除自十月訖二月非採珠之時聽商賈往來如舊並從之按沈懷遠南越志珠有九品大五分以上至一寸八分分為八品有光彩一邊水平似覆釜者名璫珠璫珠之次為走珠走珠之次為滑珠滑珠之次為礫石珠礫石珠之次為官兩珠官兩珠之次為稅珠稅珠之次為苾符珠南方草木狀凡採珠一旁小平形似覆釜第一珠毋肉正白人民以薑齏食之徐衷南方草木狀凡採珠常三月用五牲祈禱若祠祭有失則風攪海水或有大魚在蚌左右自蚌珠長二寸半在漲海中其一寸三分其光色一旁小平形似覆釜為第一璫珠凡三品其一寸三分雖有

光色形不圓正為第二滑珠凡三品

唐懿宗咸通四年秋七月辛卯朔日有食之弛廉州採珠禁

宋太祖開寶五年詔罷嶺南道媚川都採珠初南漢劉鋹於

海門鎮募兵能採珠者三千人號媚川都卒凡採珠者必以索繫石被於體而沒焉深至五百丈溺死者甚衆及平嶺南於是廢之仍除民取採禁

太平興國二年貢珠百斤七年貢五十斤徑寸者三年貢一千六百一十斤皆珠場所採

紹興三十六年罷廉州貢珠縱蟹丁自便珠池之在廉州凡十

餘接交趾者水深百尺而大珠生焉蛋往
取之多為大魚所害至是罷之民各稱便

端宗祥興二年詔採珠

元至正十七年詔廣州採珠

皇慶四年設廣東採珠都提舉司元史廣東舊設採
金銀珠事都提舉

司至是復設秩
正四品官三員

皇慶六年罷廣東採珠元史以有
司領其事

泰定二年罷廣州採珠元史罷廣州等處採珠蛋
戶為民仍免差役一年

至元六年罷廣東船戶採珠二提舉司

本朝洪武七年秋九月罷廣州採珠舊志東莞知縣
詹鼎同官兵採

珠于大海自四月至八
月止得半斤詔罷之

洪武二十九年詔採珠

洪武三十五年差內官於廣東布政司起取蛋戶採

珠蛋戶給與口糧

永樂三年春三月詔勘廣州採珠舊志永樂三年東
莞軍人王保兒告

大步海出珠蚌可採為國用是年差人才艾復同廣
東左叅政莊敬等官勘之申狀以洪武七年罷採事

止聞
未報

永樂三年罷廣州採珠舊志大鵬千戶所吏日廖參
告本所千戶徐斌竊取珠螺

巡按及二司委官勘實以聞
遂報罷且禁竊採以啓事端

永樂十四年詔採珠

洪熙元年春正月詔弛珠池金銀坑冶之禁

天順二年詔採珠

天順八年差內使一員看守平江珠池

成化九年令看守廉州府楊梅等珠池奉御兼管永安池

安池

成化二十年差內官一員看守雷州府樂民珠池

成化二十三年差太監一員看守永安所楊梅珠池

又令取回廣東新添守珠池內官

弘治七年差大監一員看守廣東廉州府楊梅青黨

平江三處珠池兼巡捕廉瓊二府并管永安珠池

弘治十二年詔採珠是歲十月開池訖於明年之正月費銀一萬七千兩餘獲珠二

萬八千四百兩有奇

弘治十五年詔採珠

正德九年詔採珠是歲十月開池訖於明年之二月費銀一萬二百兩有奇獲珠一萬

四千兩有奇

嘉靖五年詔採珠是歲十一月開池訖於明年三月費銀九千三百兩有奇獲珠八千

九十八兩十二月大雨雪池水冰潔樹木皆枯民多凍死

嘉靖九年詔採珠

是歲八月開池訖於明年之正月

費銀六千七百六十兩有奇獲珠

五千三百九十兩

嘉靖十年巡撫都御史林富奏革看守珠池內官

疏畧廉州府合浦縣楊梅青嬰二池雷州府海康縣樂民一池俱產珍珠設有內臣二員分地看守或用太監少監監丞初無定制成化弘治年間樂民珠池所產日少正德年間官因裁革惟廉州珠池一向存留看守迨年額編門子弓兵皂隸等役俱殷實人戶及所占匠役無故納銀以供坐食為費不貲珠池約計十餘年一採而看守太監一年所費不下千金十年動以萬計割萬金之費守二池之珠於十年之後其所得珠幾何正所謂所利不能藥其所傷所獲不能補其所亡也臣愚以為珠池太監不必專設乞勅海北道兵備官帶管既係所管信地又免編役供需禁令易及民困可蘇若謂珠池乃寶源重地宜秀內

臣看守誠恐倚勢為奸專權生事憲戒不得禁詰諸司不得干預非惟費供役之煩抑且滋攘竊之弊故臣以為不如令海北道兵備官帶管之便也伏望皇上軫念邊方軍民窮困特勅該部從長查處將珠池內臣取回別用其額編軍民殷實人戶及所占匠役并門子皂兵等役盡數裁革仍乞降勅海北兵備官嚴督官兵看守以待採取則省一內臣之費不獨濟民數十家之產而地方受惠極邊獲安矣

嘉靖十二年詔採珠

是歲八月開池訖於明年之二

月費銀七千七十兩有奇獲珠

一萬一千三百二十兩有奇

嘉靖十三年詔復採珠

嘉靖二十四年復採珠

蕪州府知府胡鰲議稱卷查天順年間採珠以後直至弘

治十二年方採年月已久螺蚌生孽者衆老大者多所以彼時得珠二萬八千兩正德九年採取又隔一十五年止得珠一萬四千兩嘉靖五年採取亦越一十二年止得珠八千餘兩嘉靖九年採取亦隔三年止得珠五千七百餘兩解納碎小不堪嘉靖十二年行回復取得珠一萬二千餘兩至嘉靖二十二年採取又隔十年蒙海北道翁嚴立採法四箇餘月方總封池共計用過官民銀不下七千餘兩織造螺筐起蓋廠房并雜用夫役等項動擾於民不預造報者不下二千餘兩僅得珠四千餘兩所得不償所費尚且碎小至匾不堪今蒙復取緣照前次採納至今止隔一年螺蚌未生縱有一二生息俱係嫩小亦未有珠恐復虛費錢糧况本府所屬一州二縣之民前次勞困未蘇逃移未復近有兩月之前傳聞採取民各驚疑多致逃遁已該本府出示招恤外今蒙前因切照本年天雨不一各鄉亢旱者多豐收者少民迫飢饉若復重以採珠之役必致民命不堪深逃遠竄矧必無得珠之理伏乞轉達憐憫極邊小民少賜甦息且

得休養池蚌將來可以供上用地方幸甚職等幸甚

廉州府珠池七 青鶯池 楊梅池 烏坭池

白沙池 平江池 斷望池 海渚池

雷州府珠池一 樂民池

外史氏棊曰水利有關於民生尚矣自昔論治莫不以是為兢兢者大禹盡力溝洫周官詳及桔槔漢諸循吏遵為先務若史祿之鑿靈渠周璟之疏瀧水何卓之導呂堰戴邵之築海堤其有功澤於粵者不淺茲非後來長民者之標的

乎夫田有高下不同而修濬工程不一高者歲
 常虞旱則開陂引水因其勢而利導之凡為堰
 為壩為塘其利均也而水車又以助陂壩之所
 不及也下者時常虞潦則築基鄣水防其灌而
 壅閼之凡為基為堤為防其功同也而圩泮又
 為海堤之所最急也圩岸惟南海順德
 近海諸處有之盡人工
 之能以贊天時地利之所未逮詩曰既優既渥
 既霑既足豈值天澤霑霽哉人力疏導不可誣
 已至於合浦之珠亦為水利之一近者富民也

告竭而偷珠之徒寔繁官民恣肆地方騷擾
 煩大師討而後定就中弊蠹有不可勝言者利
 未什一而害且什九不能不煩當事者石畫也
 謹附著于篇

Blank columns with faint bleed-through text from the reverse side.

大記卷之二十九

粵大記卷之三十一

政事類 嶺南郭棊篤周甫編

天德屯田 太平山外海百六十一萬二千六百六十六

漢昭帝始元二年發射士調故吏將屯田張掖郡宣


帝神爵元年後將軍趙充國擊先零羌罷騎兵屯湟

陘此屯田之始

東漢邊郡置農都尉主屯田殖穀

晉杜預開陽口起夏水通零桂之漕屯田萬餘頃

唐百官志屯田郎中掌天下屯田司農有諸屯監一



人丞一人掌營種屯內倉功課屯主勸率營農督歛地課每屯主一人副一人諸治監今掌鑄兵農之器

給軍士屯田

唐書食貨志

開元二十五年詔屯官叙功以豐凶為上下鎮戍地可耕者人給十畝以供糧餉方春屯官循行謫作不時者凡天下屯田收穀九十餘萬斛

天寶八年天下屯收穀百九十一萬三千九百六十石

宋仁宗天禧末諸州屯田總四千二百餘頃

宋高宗紹興二十九年臣僚言二廣村曠之間人戶

凋疎彌望皆黃茅白蒿民間膏腴之田耕布猶且不

徧豈有餘力以耕營田願乞寬一年無或抑勒詔可之

元世祖至元三十年召募民戶并發新附士卒於海

南海北等處置立屯田成宗元貞元年以其地多瘠

瘠縱屯田軍二千人還各翼留二千人與召募民共

屯種大德三年罷屯田萬戶府屯軍悉令還役止令

民戶八千四百二十八戶屯田瓊州路五千一十一

戶雷州路一千五百六十六戶高州路九百四十八

戶化州路八百四十三戶廉州路六十戶為田瓊州

路二百九十二頃九十八畝雷州路一百六十五頃

五十一畝高州路四十五頃化州路五十五頃二十

四畝廉州路四頃八十八畝元史

國初通行衛所軍士以三分守城七分屯田又有二

八一九四六中半等例皆隨地而異其法每一軍撥田三十六畝歲

收一十八石為子粒除與月糧歲十二石間加一石餘六石上倉

洪武二十年令屯軍種田五百畝者歲納糧五十石

三十年令凡屯軍內少壯者守城者老弱者若有餘

丁多亦許屯種

永樂二年令各處衛所凡屯軍一百名以上委百戶

一員三百名以上委千戶一員五百名以上委指揮

一員提督若屯軍不及一百名亦委百戶一員提督

若官員軍餘家人自願耕種者不拘頃畝任其開墾

子粒自收官府不得比較

永樂三年更定屯田則例令各屯置紅牌一面寫刊

於上每百戶所管旗軍一百一十二名或一百名七

八十名千戶所管十百戶或七百戶五百戶三四百

戶指揮所管五千戶或三千二百戶提調屯田都指

揮所收子粒多寡不等除下年種子外俱照每軍歲用十二石正糧為法比較將剩餘并不敷子粒數目通行計算定為賞罰

永樂五年廣東按察司增置僉事一員盤糧屯田

正統元年令每下屯旗軍一名給屯田二十畝總小旗各給牛一隻軍人二名共牛一隻不分旗軍每名種子一石每田一畝起科三斗六升每納糧六石

正統八年令屯田有自開墾荒田每畝歲納糧五升三合五勺

正統十一年令各處衛所類造屯田坐落地方四至頃畝子粒數目文冊一本繳合千戶上司一本發該管州縣以備查考

弘治十三年令凡用強占種屯田者問罪

廣東都司并所屬衛所屯田共七千二頃三十三畝七分六毫

凡屯種去處合用犁鐮耙齒等器着令有司撥官鐵炭鑄造發用若木植令衛軍於出海山場自行採辦造用係干動撥官物具奏施行

凡屯種合用牛隻設或不敷即便移文取索若官廩
數多差人發遣如果路途寫遠此間地方出產可以
收買務在公私兩便就給官價民間買用其孳生數
目每歲年終通報

廣東都司水黃牛四百八十二隻水牛四百一十三
隻黃牛六十九隻

廣州府

南海縣屯田五落塘屬廣州左衛 馮村 赤泥

圃頭 大圃以上屬廣州後衛

番禺縣屯田二十五 茭塘 石碁 沙涌 官涌

田步 明經 官橋 龍眼二 東圃 欖山

石頭 新橋 李溪陂 握山以上屬廣州左衛 山門屬廣州

州前衛 雙井 勝安 水東 蓮塘 老人峒

上塘 鶴嶺 蘇峒 大湓 金塘以上屬廣州後衛

順德縣屯田一十八 金斗 龍潭 吉鄉以上屬廣州左衛

桂洲 扶寧 外東村 大黃圃 二 北潮 譚義

周易 扶問 外塘 上涌 江村 塘利 龍潭

高讚 江尾屬廣州右衛

從化縣屯田十石湖良田永泰永口

趙陂屬廣州左衛 劔嶺 握山 大圃 圃頭 馬村

東莞縣屯田五十九大步七四麻涌二小享二

東向二樟坑東邊二白市龍眼山神逕

譚那大蕉二白沙葵湖石水洞滑橋

石凹水斗黃岡大墩廣湖鎮岡新村

大享梅林屯門圓頭山官富以上屬廣州前衛

下黃峒上黃峒鍾坑橋隴黃砂上籬坑

洞峒黏嶺梅塘水貝石角到溶

唐家村羅租栗木岡以上屬南海衛 翟屋邊月岡

莆隔屬本縣所 葵涌鹽田黃毋峒屬大鵬所

增城縣屯田一十三鐵岡江山鳳池長演

平坑竹溪屬廣州左衛 仙村屬廣州前衛 陳石寺貝

雙石窰石菱角求清屬本縣所

香山縣屯田三十譚洲屬廣州左衛 黃岡二屬廣州右衛

大欖二屬廣州前衛 小欖十一屬廣州後衛 象角三屬本縣所

古鎮屬新會所 古鎮五 大欖四 小欖屬廣海衛

新會縣屯田一十二小梅屬廣州右衛 沙岡那坭平

龍溪 江門 小乾 官涌屬本縣所 簡頭平 雲鄉

馮村 南村 掩峒屬廣海衛

清遠縣屯田三十七 橫村 黃龍鎮 梅花逕

龍脛 橫江 石溪 良石 越城 巖前

雷坑口 雲梯 東村 官步水 丹竹逕 茶嶺

擡扛嶺 猪棲村 黃寨 金造 方村 大分田

南華圃 攬村 蘭盤石 歌塘板 新村

大車逕 大圃平 馬鞍山 五石 文領

周子平 譚塘 高被 白右潭 雙石 李賽俱屬本衛

連州屯田三 馬槽 酒樓 通儒

韶州府

曲江縣屯田七 西衝 小坑屬本縣所 鷺鼻 東池

鹿脛 韶石 上羅以上屬廣州後衛

英德縣屯田三十五 高道二 平浦 平塘

棘水 寺山 大塘 苦竹 石芝以上屬廣州右衛右所

峰文 烏石 羊寨以上屬廣州右衛後所 上良 石泉

平山 沙逕 大塘 羊寨 蓮塘以上屬廣州右衛前所

鏡湖 藍岡 寺衝 清泉以上屬廣州左衛後所 高臺

子平 譚塘 交嶺 攬村 坑口 長壽以上屬清遠衛前所

五石 鷓鴣 清塘 遙田 蚊嶺 大分以上屬清遠衛中所

仁化縣屯田十 小羅 中塘以上屬本縣所 後嶺

林溪 紫嶺 善岡 麻歷 解江 平山 石母

以上屬廣州後衛

乳源縣屯田五 龍溪 渣渡 南水以上屬本縣所

梅花 平隘以上屬廣州右衛

南雄府

如興縣屯田五 黃坑尾 新田 陳村 陸村

江灣俱官石南城都

惠州府

歸善縣屯田二十四 山嵐 平湖 蠟石 黃塘

栢浦 黃泥 新村 大埔 李坑 岡尾 都樂

梁化 蔣田 義容 上石 下石 羊口 明溪

沙湖 上義 下義 林田 烏石 黃花以上五屯原後

所今罷

博羅縣屯田三 平陵 黃陂 栢塘俱在寧集都今廢

河源縣屯田九 白石 南湖 蔡庄 義合

藍口 長吉 德行 水源以上屬本所 水尾今奉例革還民起科

龍川縣屯田六 白芒 馬塘 田心 上莒

興隆 嶺西以上屬本所

長樂縣屯田三 黃沙 下潭 白淦以上屬本所

興寧縣屯田五 龍陂 大隴 甘塘 吉昌

魚梁以上屬本所

碣石衛屯田十五 際峯 橫隴 石陂以上屬左所

賴僧 大安 黃塘以上屬右所 黃姜 羅峯 崩塘

以上屬本所 松林 上護 鄺公以上屬前所 梅林

雙派 半逕以上屬後所

潮州府

海陽縣屯田二十三 鉢壺山 黃岐山 葵頭嶺

溜隍小產 江南 百花臨俱左所 客洞 潘田

湯頭俱右所 田心上伍 田心下伍 東洋 三洲

漳溪上伍 漳溪下伍俱中 南洋黃竹洋上伍

溪西下伍俱前所 朱坑 南洋 車頭 米塲

果墜以上屬本衛

潮陽縣屯田七 東溪 果墜 莆塘 平林

南寮 米場 南洋以上屬海門千戶所

揭陽縣屯田一十一 黃岐山 客洞 狗母山

苦竹溪 楓林 朱坑 車頭 陸境 石口

北山 烏石以上屬蓬州千戶所

程鄉縣屯田三 梅塘 南口 石扇以上屬本所

饒平縣屯田十一 東洋 樟溪 黃竹洋 南洋

梅花坂 雙溪 秋溪岡 西洋 上寨 黃大潭

以上屬大城千戶所

惠來縣屯田二 蒲塘 杜塘以上屬靖海千戶所

肇慶府

高要縣屯田二十四 鎮南 白土 寶光 水坑

小洲 寶豐以上屬左所 典水 蘇坑 的村 保務

伯朗 保田以上屬右所 祿峒 都拳 陶塘 古樓

龍光 古分以上屬中所 何村 平崗二 曹岡

大圃 太平以上屬前所

四會縣屯田六 黃岡 榕村 羅坑 扶雷

譚圃 扶溪以上屬後所

新興縣屯田六 清水 酒樂 下山 周坑

武同 康村 以上屬本所

陽江縣屯田九 古城 古柳 古牛 輪水

界石 橫坪 水祿 岐古 馬頭 以上屬本所

海朗千戶所屯田三 三龍 那龍 那吉

雙魚千戶所屯田四 茶水 蒲牌 石望 丹城

德慶千戶所屯田十三 朗心 鬱帳 獨石

托峒 斑石 五都 大臺 桄榔 裏茅 沙曆

尚峒 譚星 洪熙

高州府

茂名縣屯田三一 清水 牛皮 沙田 以上屬神電衛

電白縣屯田四 黃崗 雙石 那夏 白石 以上屬神電衛

信宜縣屯田二 紅花 栗木 以上屬神電衛

化州屯田四 吳村 冷水 那喚 大坡 以上屬神電衛

吳川縣屯田三 白沙 平城 樟木 以上屬神電衛

廉州府

欽州知州林希元嘉靖十八年奏立屯田六十四頃八十畝科米一千二百零五石一斗

欽州地曠而瘠民鮮而貧率務取給目前無復有遠

圖者故雖已歛之田尚或舍而弗稼况荒蕪不墾之區而必責其勤力斯亦難矣昔人謂西北有可耕之地而無其人欽廉是也東南有可耕之人而無其地閩之海濱諸郡是也今以閩例欽強所不欲而授之田卒廢而無成賦一增而莫減烏得不為民病哉

雷州府

海康縣屯田四十二 茂林 邁四 鎮福 司馬

以上屬 陳和 押草 新田 三板 麻廉 窖東

以上屬 那隱 保寧 邊萬 地坡 調延 那餘

石井 湊乙 林家 祿祐 以上屬 斜離 草洋

三板 馮公 邁梅 石壁 廣都 馬生 邁合

那貢 以上屬 東葉 東濠 討律 莊榮 那落

那逞 那宋 莫村 調亭 高畔 那扶 清水

以上屬

海康所屯田五 莊榮 平場 石井 朗頭

邁寨

樂民所屯田七 塘飯 調禮 郭家 金釵

官長 勤肥 東洋

海安所屯田五 討空 討哨 張疇 賓板

通東 那旺 擔捍 東零 邁黎

錦囊所屯田六 連村

邁交

瓊州府

瓊山縣屯田十 南黎 青寧 以上屬左所 大寨

頓塘 以上屬右所 龍袍 南綿 以上屬中所 坡口 徐家

以上屬前所 澄邁 安平 以上屬後所 頓興

清瀾千戶所屯田二 文囂

萬州千戶所屯田二 新洋 禁山

南山千戶所屯田二 嶺脚 鴨塘

儋州千戶所屯田二 黃謂 黃村

昌化千戶所屯田二 蘇屋 大南

崖州千戶所屯田二 北山 浦西

永樂元年榜諭天下屯田旗軍士人等知道朕承大

統君主天下軍與民皆朕赤子即位之初便思量安

養的道理只要使軍民都得豐衣足食共享太平常

思着洪武年間軍士都着他耕種自食又積儻起餘

糧防備水旱百姓免其轉輸軍士並無饑窘這箇法甚是兩便後來被建文廢弛了如今天下平定軍士不受眠霜卧雪的勞苦都安然無事百姓每那幾年遭建文苦害得好生窮乏若教那窮乏百姓供給安坐的軍士百姓轉見艱難軍士轉見驕墮了倘或百姓供給不前軍士也只得坐受饑餓兩下都不便當因此上着您每官軍依着定的分数下屯專委官管領定立賞罰則例年終赴京比較每一都司另撥旗軍士一名種樣田只是要您每衆人勤耕力種僭下

糧食官府起蓋倉廩替您每收藏起來號令出去已及二年近來寧夏種樣田軍士索成等遵着朝廷法度好生勤謹每名收得子粒折筭細糧五十五石有零管屯的官與種田的軍都重重賞賜又將餘剩的糧四十三石賞與他了山西種樣田的也收得子粒好生多也都與他了賞賜其各處多有等管屯大小頭目不體朕心因循度日不肯提督甚至恣肆奸貪多方害軍害民或正當農作時月私自差占或巧立名色科歛穀米財物或指以點屯爲由勒合遠接及

需索酒食稍有不從便加鞭撻或自己不肯親自到
屯遠在一二百里穩便處宿歇却拘集屯軍齎帶盤
纏前來聽他發放往回便是十朝半月及至將農務
耽悞了却又問軍家有罪過使軍士手足無措如何
能勾安心耕種又有等本為點屯但遇經過去處有
司都要他供給又要人夫挑擔行李及擡轎等項使
百姓也不得安如此百般無狀也有等屯軍不遵號
令懶惰撒潑不肯儘力或假以告訴為由聽候對理
虛度日月或投托官吏假名隱占全不下屯或推稱

軟弱日晷一日畧不畏懼或擅離田所私自四散遊
蕩因而掠取民家資畜都因是這等上頭致令田土
荒蕪子粒無收及至比較或捏做災傷欺罔虛報數
目影射一時縱然瞞過日後軍士大男小女將甚麼
來養活其自饑死若朝廷差人盤糧却又在下苦害
軍士科歛賠納又如莒州千戶所先遍奏說本處荒
閑地少都要守城關糧不肯屯種及致差人踏勘儘
有荒閑田地每軍撥與五十畝着他儘力開墾那管
屯官員又行故違號令不肯督軍下屯縱容懶惰軍

士還在原營居住中間止有開得地四畝五畝者其餘田地俱各荒蕪又有等管屯官不肯用心提督屯種將及年終比較恐怕罪責却縱放奸頑屯軍假以原撥田畝沿海土鹺沙瘦水深低窪四散不成片段所收子粒不及捏詞來告他都不思量民人也有此等田土逐年辦納稅糧不缺况又要承當一應水馬驛站等項差役又要養活家下人口其軍人所種田地種收子粒不過止是存與食用又有等因見屯軍所收子粒數多除正糧外本有餘糧十一二石他都

照原報見有之數從實收取上倉却將原定的比較例兒有餘糧一斗至九斗無罪為由抄與旗軍傳說互相托故不肯從實上倉事發到官都依着法度費了念慮恐恁每衆人遞相做做陷入刑法逐一說將去并將重別更定則例條列于後各屯都要置立紅牌一面刊得明白轉遞着着以為警戒管屯的官務要不離屯所勤謹提督不許徇情縱放軍人懶惰又要公平撫恤一毫不許擅科一刻不許擅差亦不許無故凌虐屯種的旗軍務要趁時耕種朝作暮息不

要推奸躲懶不許聽從大小官旗私下役使亦不許
倚恃刁頑不伏本管官旗比較約束若是遵着號令
自然田禾茂盛子粒多收各家長得飽煖又得重賞
如仍前壞法定將犯人處以極刑家小遷於化外故
諭

嘉靖十年屯田僉事林希元以臣愚見如本年終屯
糧不完者管屯及各衛所掌印官并屯種官俱各位
俸一年之上不完者衛所僉書首領官及都司按察
司管屯官俱各住俸其各衛所管屯掌印屯種等官

俱各革去冠帶戴罪徵納屯老旗甲通行提問又半
年之上不完則管屯及各衛所掌印并屯種官各叅
問降級其都司管屯官聽按察司管屯官查舉按察
司管屯官若容情怠誤聽撫按官查舉如此則緩急
適中情法兩盡而人易遵守矣然屯糧之欠蓋有數
等有田土迷沒或被人霸占賠納不起者有田被水
坍沙壓或高埠辦納不起者有軍士姦頑不肯完納
者有攬戶推姦不肯完納者有官豪影射不肯完納
者此皆拖欠在人各該官員失於追徵以之住俸降

級可也亦有管屯指揮千百戶等官將徵過錢糧侵欺入已託各軍欠抵搪彼則自獲大利住俸降級固非所恤而各該官員反因之住俸降級可乎至如奸頑攬戶官豪不肯完納各該官員不能如法督徵以之住俸降級可也如或田土迷沒或被霸占或墾壓高埠辦納不起寧不在所恕乎故臣愚欲再申明事例凡屯糧本年終不完者衛所掌印管屯屯種等官照舊住俸仍令開報何人名下拖欠申達按察司管屯官查考如係奸頑攬戶官豪拖欠即令作急督徵待至一年以上不完方照例施行如是管屯等官侵欺不肯完納即便叅奏照例問遣如田土遠年埋沒或被人霸占或墾壓高埠軍士難於陪納則當為查處被占者為其追斷迷沒者為其查理墾壓者將新增田土撥補或與開豁高埠則令肥瘠相兼領種或准雷州事例只納三分之一或只納一半查處既當該衛所管屯掌印屯種等官不行如法督徵復致拖欠然後坐以降級之罪則人始無後言矣

外史氏槩曰按漢文帝從晁錯言募人徙塞下

使屯戍之事益省轉輸之費益寡此為議屯田之始昭帝始元二年發射士調故吏屯田張掖宣帝神爵元年趙充國擊先零請屯湟中條上便宜十二事此乃行屯田之始而屯種之為世利久矣

國初屯政徧于天下大率衛所軍士以五分守城七分種屯又有二八十九四六中半等例隨地而異予於粵之屯政未攷其詳而其利弊較之別省不甚懸絕究其故有五焉一曰軍民互爭

以虧屯額二曰將領置莊多占軍田三曰沙壓水衝糧數日減四曰豪強典賣稅額日逋五曰舊額新增相仍滋弊吁弊也久矣古有青山綠水魚鱗諸冊今湮滅不可攷矣燭其弊而清釐之因其勢而利導之則在有位君子然此皆以養兵也至於養民則有社倉預備等倉邇來積儲鮮少頃歲洊饑民多艱食

按院望海劉公惻然憐之自捐贖鍰買穀三萬餘石立義倉四十座又檄沒官田捌拾餘頃納穀

入倉將來有萬餘石又發銀各府置倉百餘所
貯穀數十萬皆按歲豐凶以常平之法出糶民
受其賜不淺百世之澤於是乎在謹表而書之

大記卷之三十一

粵大記卷之三十一

政事類

嶺南郭棨篤周甫編

鹽法

周禮天官籩人曰明事之籩其實形鹽又曰掌鹽之
政命以其百事之鹽祭祀供其苦鹽散鹽賓客供其
形鹽王之膳羞供飴鹽凡齊事鬻鹽以待命

史記曰募民月給費用官器作煮鹽官牢盤

漢地理志南海郡番禺蒼梧郡高要皆有鹽官自河
東至蒼梧凡郡二十五有鹽官三十五

武帝元封元年因桑弘羊請置大農部丞數十人分部主郡國名徃徃置均輸鹽鐵官鹽官凡二十八部南海之鹽煮海而成者也

魏志曰衛凱與荀彧書言夫鹽國之大寶也自亂以來放散宜如舊置使者

唐地理志凡天下有鹽之縣一百五嶺南自東莞至義倫縣六並有鹽

唐玄宗開元十年勅諸鹽鐵令刺史上佐檢察收課肅宗乾元元年第五琦為使初變鹽法就山海井竈

近利之地置監院游民業鹽者為亭戶及為榷鹽鈔使盡榷天下鹽

憲宗元和二年以李巽為鹽鐵使奏江淮河南峽中兗鄆嶺南鹽法監院去年收鹽價緡錢七百二十七萬此舊法張其佑一千七百八十餘萬非實數也今請以其數除煮之外付度支收其數鹽鐵使煮鹽利繫度支自此始也

元和五年王播奏江淮河南嶺南峽中兗鄆等鹽利錢六百九十八萬貫比改法以前舊鹽利時價四倍

唐古此錢當為一千七百四十餘貫請付度支從之
僖宗時鄭畋請以嶺南鹽鉄使委廣州節度常荷歲
煮海取鹽直四十萬緡市虔吉米以贍安南

宋太祖開寶四年詔權嶺南鹽

太宗雍熙元年除江南鹽禁二年尋復之

淳化中陝西轉運鄭文寶議禁毋入塞煮海為鹽凡

六路

廣南其一也

地曰亭場民曰亭戶竈户户有鹽丁煮

井為鹽

仁宗天聖以後東西海場十三皆領於廣州歲鬻南五

十一萬三千六百八十六石以給東西二路

慶曆中廣東轉運使李敷王繇請運廣州鹽於南雄
州以給虔吉後三司戶部判官周湛等八人復請運
廣鹽入虔州

嘉祐以來或請商販廣西鹽入虔汀所過州縣收筭
神宗元豐二年舒亶迎合章惇乞運廣鹽於江西即
遣周輔往江西相度遂以周輔遙領提舉江西廣東
鹽事

元豐三年詔廣東東莞靜康等十三場歲煮二萬四

千餘石以給半州及封康英韶端潮連賀恩新惠梅
循南雄州并連州白石石康二場歲煮一百五十萬
斤以給本州及欽州等處又高竇春雷融瓊崖儋萬
安州各煮以給本無定額

元豐四年蹇周輔上廣東鹽法總目

元豐七年脩廣東西鹽法條約總目上之

高宗紹興四年詔淮浙鹽每袋增貼納錢三貫文並
計綱赴行在尋命廣鹽亦如之

紹興八年以前樞密院編脩官胡銓監廣州都鹽倉

詔廣西鹽歲以十分為率二分令欽廉雷化州官賣
餘八分行鈔又詔廣東鹽九分鈔法一分產鹽州
縣出賣廣南土曠民貧賦入不給故漕司築鹽以其
息什四為州用可以租給而民無加賦若客鈔既行
州縣必致缺乏

紹興三十二年鹽額廣東路廣州九潮州三惠州三
南恩州二廣西路廉州一高州二欽雷各二化州二
孝宗乾道六年戶部侍郎葉衡奏今日財賦之源煮
海之利居其半然年來課入不增商賈不行者皆私

販之害也

通考曰二廣之鹽皆屬於漕司量諸州歲用而給之
鹽然廣東之倍富猶可通商廣西之地廣莫而彫瘁
食鹽有限商賈難行况自東廣而出水小多灘磧其
勢甚難是廣西之鹽不得與廣東比倫也

淳熙六年詔廣南毋擅增鹽額

淳熙九年遣使訪問廣西鹽法利害

淳熙十年詔罷廣南官鬻鹽法

宋史是月又命二廣提舉鹽事官互措置

監事十三年三月又詔命提舉廣南東西監事司為
十六年又復二廣官船官賣鹽法紹興初詔歲減廣

東賣鹽尋免廣東增收鹽行錢

咸淳七年正廣東鹽法

元至元五年二月湖廣行省咨中書省云廣海鹽課
提舉司額鹽三萬五千一百六十五引餘鹽一萬五
千引近因黎賊為害民不聊生正額積虧四萬餘引
卧收在庫若復添辦餘鹽困苦未甦恐致不安事關
利害如蒙憐憫閔奏除免庶期元額可辦不致遺患
邊民戶部議云上項餘鹽若全恢辦緣非元額兼以
本司僻在海隅所轄竈民累遭劫掠死亡逃竄民物

凋弊擬於一萬五千引內量減五千引以舒民力中
書以所擬奏聞得旨從之至元二年監察御史韓承務建言中書省送戶部定
擬自元統三年為始廣東提舉司所辦餘鹽量減五
千引十月初九日中書省以所擬奏聞得旨從之十
三年免廣州因宋之舊立提舉司從實辦課二十二
年分江西鹽隸廣東宣慰司歲辦一萬八千二百五
引二十三年併廣東鹽司及市舶提舉司為廣東鹽
課市舶提舉司每歲辦鹽一萬一千七百二十五引
大德四年增至三萬引正餘鹽二萬一千九百八十二引十
年又增至三萬引十一年三萬五千五百引至大九
年又增餘鹽一萬五千引延佑二年歲增五萬五百
引五年又增至五萬五千五百引所隸之場凡十
有三至元十八年分撥廣州路二萬七千戶計鈔一
千八十錠為昌國公主湯沐元統五年免廣海添辦
鹽課一萬五千引止辦原額

本朝洪武二年置廣東海北二提舉司歲辦鹽課每
引四百斤

洪武十七年定廣東鹽工本鈔每引俱二貫

正統三年令河間長蘆及河東陝西運司官鹽客商

中給支給不敷者准於廣東海北鹽課司兌支

景泰五年令廣東海北二鹽課司竈丁有私煎餘鹽

者送本司每引官給米四斗

弘治六年添設廣東按察司僉事一員專理鹽法

廣東鹽課提舉司提舉一員 同提舉一員 副使一

廣東鹽課提舉司提舉一員 同提舉一員 副使一

員 吏目一員 廣盈庫收貯引目大使一員
外十四場大使各一員

海北鹽課提舉司提舉一員 副提舉一員 吏目
一員 石康批驗所大使一員 外十五場大使各
一員

廣東鹽課提舉司所屬十四場 靖康 歸德

東莞 黃田 香山 埕峒 海宴 雙恩 鹹水

淡水 石橋 隆井 招收 小江○已上鹽場十

四處歲辦鹽四萬六千八百五十五引一百斤零

海北鹽課提舉司所屬九場 白沙 白石

西鹽白皮 官寨丹兜 蠶村調樓 武郎 東海

博茂 茂暉

瓊州六場 大小英感恩 三村馬裊 陳村樂會

博頓蘭馨 新安 臨川 已上鹽場一十五處歲

辦鹽二萬七千四十引二百斤零

鹽引印

戶部鹽引之印篆文一顆

鹽糧勘合并鹽引由契本銅版

鹽糧勘合銅版一片

廣東鹽課提舉司銅版二片

廣東海北提舉司銅版二片 嶺表異錄曰野煮

鹽者廣南煮海有恩州石橋場俯迎滄溟商人掘地為阬阬口絺布竹木鋪蓬筐於上堆沙潮來投沙鹹鹵淋在阬內候潮退以火炬照之氣衝火盛則取鹵汁用竹盤煎之頃刻而就自收海水煎鹽謂之野煮云

洪武間戶部茶鹽引印及鹽糧勘合并茶鹽引由契

本銅版俱收貯 內府戶部編號本記收貯戶部凡

遇各處急缺糧草則戶部奏請印刷定召商開中正統十一年以戶部改為京戶部具奏鑄換印與銅版各增南京二字於戶部之上仍收貯南京內府戶科遇開中本部差官至彼印刷編定齎赴開中處所給發其印及銅版木記用使年久平乏模糊則奏請改鑄刊告

廣東鹽課提舉司一十四場舊額人丁三萬二千九百零一丁額辦有徵無徵小引生熟鹽八萬九千二

百八十七引九十八斤六兩三錢二分每小引該鹽二百斤俱解廣州鹽倉收賣除竈戶逃絕無徵鹽課免令見存人戶代徵外嘉靖二十一年分攢造實在人丁二萬三千六百零八丁并竈田四千七百二十九頃一十二畝一分四厘五毫三絲鹽埕池漏七千五百四十三口共辦有徵小引生熟鹽六萬七千一百四十九引一百六十二斤一十一兩零一分三厘每熟鹽一引折徵銀二錢三分生鹽一引折徵銀一錢七分

正德十一年御史鮮冕奏定後同

共徵銀一萬三千四百三

十五兩零六分九厘零其鹽聽竈戶自賣

弘治四年奏行後同

先年俱係提舉司徑自催徵因與各場隔遠中多拖欠自嘉靖三十年為始行各附近縣分掌印官將各轄地方場分課銀督徵務在年終完足及將二十九年以前拖欠之數立法帶徵

嘉靖三十一年正月內鹽法僉事李萬實呈行

俱解提舉司按季解布政司一半解部一半留備軍

餉

正德十一年刑部莊主事奏行

海北鹽課提舉司一十五場舊額人丁一萬六千五百八十九丁額辦有徵無徵大引鹽二萬八千一百

一十九引零九十二斤九兩每大引該鹽四百斤折
小引二引俱解白石倉收賣除竈戶逃絕無徵鹽課
免令見存人戶代徵外見在人丁一萬一百零六丁
共辦有徵大引鹽一萬二千七百八十二引一百零
九斤八兩嘉靖九年僉事
林希元奏查其鹽聽竈戶自賣內海南
大小英感恩等六場每大引一引折米一石每石折
徵銀三錢各場實徵米六千零四十六石七斗八升
一合零該銀一千八百一十四兩零三分四厘零通
年俱係各附近州縣掌印官徵解瓊州府廣盈庫收

貯支作海南衛並本府合屬官吏俸鈔及大征支用

正統七年瓊州府
知府陳瑩奏行

海北白沙等九場每熟鹽一引折銀二錢三分生鹽
一引折銀一錢七分實徵鹽課銀二千七百五十兩
零九錢二分五厘零嘉靖二十五年以前俱解布政
司一半解京一半留備軍餉嘉靖二十五年以後解
廉州府准作該府衛縣所并本提舉司官吏旗軍正
七九十一月折俸支用廉州府知府胡鰲議
呈布政司覆議呈行
水客鹽價凡往場買鹽轉賣
與商者曰水客廣東鹽課提舉司東莞

靖康歸德場名曰東路香山海晏等場名曰西路鹽
用火煎故曰熟鹽煎法不同故鹽有高下淡水等場
生鹽不煎值晴日多曬其色白兩日多濕其色青價
亦隨之水客告往各場買鹽以一萬斤為率青生鹽
照舊納軍餉銀八錢白生鹽銀九錢東路熟鹽照舊
納軍餉銀一兩西路熟鹽銀一兩二錢隨其報買鹽
數多寡折算預納完足給限往場收買依期回銷
嘉靖

二十八年鹽
法道呈行

納堂商人

於水客處買鹽往他處發賣曰商人

鹽至連州陽山英德翁

源清遠等處發賣於清遠縣納堂至樂昌曲江乳源
仁化始興等處發賣於韶州府納堂至高要高明德
慶封川開建瀧水等處發賣於肇慶府納堂四會懷
集等處發賣於四會縣納堂陽春縣屬發賣於該縣
納堂至廣城并南海番禺從化三水順德新會增城
龍門東莞等處發賣於廣州府納堂至歸善博羅河
源龍川和平等處發賣於惠州府納堂至南雄河下
并往江西南安贛州發賣於南雄府納堂至梧州河
并往廣西各府湖廣衡永潯南柳慶等處發賣於梧

州府納堂每買正鹽一引許帶餘鹽六引每引二包
重二百五十斤共一十四包計正餘鹽一千七百五
十斤正鹽於提舉司納引價銀一錢紙價銀三厘軍
餉銀九錢餘鹽六引於納堂官司每引納銀一錢五
分共銀九錢若包有大小及潮州鹽無包者並以斤
數折筭

正德十四年總督
都御史陳 題行

餘鹽銀凡水客赴場買鹽回銷每鹽一萬斤首出餘
鹽一百斤割除餘鹽三十斤外又或委官盤出餘鹽
俱照河下時值折收價銀照往場則例抽納軍餉
其鹽免割入官准令立限在省河下居貨發賣其商
人正餘鹽七引每引割餘鹽五斤及或於七引之外
委官盤出餘鹽亦照時值折銀仍計以一千七百五
十斤為一引抽引價銀一錢紙價銀三厘納堂軍餉
銀九錢其鹽亦免割入官明於引票內填寫割鹽盤
出鹽若干抽納過價銀引紙軍餉若干數目照往告
指府縣納堂若各處納堂委官又盤出餘鹽亦此例
俱隨盤出多寡折筭抽收價銀引紙軍餉銀兩亦免
割鹽入官仍於票內填寫委官盤出餘鹽若干收過

各項銀兩若干明白將票給還商人照往各處貨賣
潮州府鹽去省路遠免其赴廣東提舉司報納每年
鹽法道於該司庫引目拆出一萬道并印給號票俱
發該府轉發廣濟橋廠委官收候用盡再發其水客
往場收買生熟鹽及商人接買與盤出餘鹽引紙價
軍餉銀俱照廣東提舉司則例行所收軍餉季終送
府解布政司收貯

高州府所屬化州石城茂名電白信宜吳川五縣每
年於海北提舉司庫貯引目各一百道鹽法道就近
於廣東提舉司刊印商人水客號票亦各一百張俱
發化州收貯候有水客告往茂暉博茂官寨丹兜三
場買鹽同經紀赴州告給號票照數預納軍餉銀該
州秤收立限填票給往該場買回赴州銷盤明白准
令對賣與商人照每官引先納引價銀一錢紙價銀
三厘軍餉銀九錢該州照數填票將引截角定限給
照往告指地方官司投秤盤驗聽賣依限將引目號
票回州銷繳不許影射并私通徭山引目號票拆填
將盡造冊連已銷引票併繳本道查行給發所收銀

兩并給過引票該州季終通申年終將收過軍餉銀
解布政司貯候軍餉支用引紙價銀解海北提舉司
類解

牙用銀廣東益課提舉司經紀三十名週年一換番
南二縣土著居民如有願克者具狀赴益法道報限
日齊集拈闈數足而止每益價銀一兩計牙用銀二
分五厘內一分五厘商人同引價納赴提舉司以克
軍餉一分聽經紀收用該司季終將收過牙銀起解
布政司造冊繳道具數呈報軍門查考商人赴道告
買引鹽狀後明開經紀姓名貫址以備稽查

海北提舉司轄屬官寨丹兜場僻在海隅水通廣西
博白陸川二縣每被奸徒私販鹽斤合行該提舉司
并石城縣省令商人隨其買鹽多寡徑往該司告納
軍餉給票照往該場買回石城縣告銷委官盤驗仍
往該司秤納引紙價銀拆引另給引票立限領回該
縣照例納堂仍照廣東提舉司事體每萬斤割鹽三
十斤每官引一引割鹽五斤折收鹽價軍餉引紙價
銀貯庫免其收鹽入官聽在本縣地方貨賣依限銷

繳所抽銀兩年終解海北提舉司收候類解

嘉靖二十四年

鹽法道
議行

議復衡永行鹽地方疏 吳桂芳

照得兩廣地方素為多盜之區師旅頻興軍餉無措
前該督府諸臣先後建議設立鹽廠委官抽盤資彼
餘鹽之利以供餉用之費行之既久上下相安百數
十年於茲矣近者都御史駟 整理鹽法議改衡永
二府盡食淮鹽緣淮鹽遠涉洞庭經歷風濤遷延歲
月本輕脚重商既不樂於行而鹽來既艱其價必高

衡永之人益何其不便也 臣自蒞任以來節查梧州
稅餉比前頓減節據該道清查回報皆云因衡永之
鹽既阻而軍餉之入遂稀已經案行議報去後今照
前因 臣會同議照強兵之道足餉為先興利之方便
民為要兩廣地方素稱多盜兵戈不息供饋實繁其
餉用之資類取給於鹽利而鹽利之稅皆權納於橋
關夷考梧州一關之稅往昔頗增蓋以湖廣衡永二
府盡食廣鹽惟鹽法之疏通故稅入之頗裕其來尚
矣其衡永二府之民安食廣鹽百有餘載亦以彼地

水陸近便鹽貨阜通之易也夫何邇年以來議將衡
永地方改食淮鹽遂將廣鹽停止淮之官鹽其來有
限而廣之私販遂致盛行徒減兩廣之軍需何益兩
淮之歲課於上無補於下有虧既非通商足國之規
又豈導利便民之道况開私販之門啓推埋之漸地
方隱憂誠有大可虞者所據該道呈要議復舊規辨
析分明似應依擬如蒙伏乞 勅下該部再加查議
如果 臣等所言不謬乞將衡永二府照舊通食廣鹽
著之令甲通行兩淮鹽法衙門及湖廣司府永為遵
守庶軍民便於得鹽商賈利於通濟而兩廣軍餉亦
賴之以裨益矣

議疏通韶連鹽法疏

劉堯誨

臣據該道查議呈詳到 臣該 臣看 得廣東東西二路
所產生熟二鹽向係各處水商往場收買運至省河
赴鹽課提舉司每引納軍餉銀九錢仍聽商人各照
引目行鹽地方轉運發賣一自南雄度嶺至南贛以
達于吉安一自梧州入桂林至全州以達於衡永二
路商鹽皆出境發賣者一自韶州至樂昌縣平石村

一自連州至星子白牛橋二路商鹽皆本境發賣者
南梧二路向來通行江楚似矣韶連鹽商雖在本境
發賣緣白牛橋以北平石村以西皆湖廣郴衡地方
廣東水道俱窮源於此過此則阻以騎田蠟嶺即古
之五嶺地不可舟楫而陸行者亦不能重負故韶連
二路之鹽俱係鄰界郴桂宜臨等縣人民親赴水次
交買各擔負而歸以供日用以故韶連二路引鹽舊
規每年拆至幾二萬引與梧州引目相等者以鄰省
食鹽之故若止以供韶連二處即每歲二千引亦不

能銷引目既均鹽行無阻二百年以來公私利賴即
往年兩廣山海盜起徵發煩費而其取諸鹽餉者皆
遵守成議不變迨隆慶五年間因廣西古田既平該
巡撫都御史啟正茂議將廣東產鹽皆由梧州府江
以入省城全州發賣官給本銀每歲凡三運計取息
可得二萬五千金專備古田善後之需將廣東韶連
前項行鹽津路悉皆禁絕題奉 欽依於是廣東餉
銀乃驅之而歸西帑矣東省餉額日蹙各處軍民買
食日艱生理日窘故紛紛赴愬乞復舊規此其情亦

切今該司道等官復查歷年卷冊韶連二路引鹽先
 年銷至一萬四五千道而餉費多者一萬有奇至少
 亦不下九千餘兩今皆為之限制每年止許拆引三
 千六百道納餉三千餘兩是常餉去其過半矣而使
 廣西官鹽每年果能三運則衡永食鹽尤可以望取
 給也奈何徒法難行民煩軍敝而凌遲至於一年之
 間僅能一運運數既縮在官則虧損餉額在民則衡
 永之民每年既少鹽五千引該鹽三百五十萬斤矣
 而又阻絕韶連萬引鹽斤將併郴桂臨藍五七州縣
 之民越千里而皆仰食於西鹽其能給乎若廣西官
 商又每以鹽運數則鹽積而價平其取息也微鹽運
 踈則鹽稀而價踊其取息也厚原其心惟欲利民之
 艱食以遂己之奇贏而於常餉之盈縮不計也是以
 衡柳等府州每至於秋冬之間則鹽商為之罷市而
 價之騰踊無論矣其所屬宜章臨藍及江華永明等
 縣又皆冒禁潰防群百十人而四出其西南則至於
 廣西賀懷及廣東四會等縣東至於陽山連山樂昌
 等縣皆迂避官道而出入於徑獍之鄉蛇豕之穴爭

欽定四庫全書

相貿易徒負以歸此其勢亦迫矣蓋民生日用惟米
益不可暫缺者民食所關雖日梟一人其能禁乎初
議塞私販之路今之所開者視舊路孰多是徒自窮
其法而示民以不率也司道官所謂無裨於西省官
運而反見損乎東省軍餉者可謂切中弊因矣近者
又該前任督撫凌雲翼目擊東省窘憊不得已遂從
司道之議凡韶連生鹽每引於常餉九錢外加銀三
錢以補餉額之不足者此法外意也於裕餉則得矣
而如商民之益病何以臣愚計之止當復引不當加

餉加餉則餉足而商民不利復引則商民利而餉亦
足臣奉 勅諭帶管鹽法許以悉心計議今見商民
嗷嗷控訴如此成法新政利病昭然如此豈容置之
不講所據廣東司道各官議將廣東韶連二路引鹽
每年各拆一萬引查復舊規納餉通行而肩挑背負
者不為嚴究此亦通商便民滋益常餉之一道也臣
竊以為萬引太浮矣於中裁酌在韶州西河鹽則每
年拆引七千道連州則每年拆引八千道與同西省
官運民商並聽常行無阻經久良法無踰於此此不

惟饒益東人亦所以全西省之官運而行之遠也若民間私販之徑不待官禁之而民自阻絕且於法亦無不行矣 勅下戶部再加詳議如果臣言不謬覆議上 請行臣轉行兩廣司道及湖南守巡道欽遵施行庶官民兩便而於臣總理之責亦少稱塞萬一矣

議裁革北鹽課提舉疏

陳大科

欽差總督兩廣軍務兼理糧餉帶管鹽法兵部右侍郎兼都察院右僉都御史陳大科為酌裁衙門以省冗員以節財用事據廣東

布政使司呈先奉職批據屯田水利道副使黃曰謹呈據海北鹽課提舉司提舉高儀揭稱本司衙門原設提舉吏目各壹員名有職官其實虛設遞年俸薪馬夫條鞭及皂庫諸役工食等項約費公帑肆百壹拾兩零所管白沙白石西鹽官寨武郎東海茂暉柒場歲共課銀貳千貳百叁拾壹兩壹錢零貳厘不必本司行催場官自能及時盡數徵解本司轉解布政司收納此外若客商票引紙餉銀每年多不過壹百柒捌拾兩提舉吏目閉門靜坐以年費公帑肆百餘

而止職管餉銀壹百柒捌拾兩所得大不補其所
實誠尸位素餐而為冗員之首當裁革者揆之時宜
質之輿論皆以為議革便該本道查看得設官分職
各有攸司海北僻在一方舊設十三場官分地管徵
今該司所管只存白沙等七場課額歲銀貳千貳百
餘兩向皆場官徵解司官毫不費催科之力而所經
理者歲不過餉銀壹百柒捌拾兩尸素莫有甚於此
者今該司欲將白沙白石西鹽官寨肆場共銀壹千
壹百柒拾壹兩肆錢肆分壹釐柒毫在廉州境內武
郎東海貳場額銀共陸百玖拾壹兩叁錢零壹釐在
雷州境內茂暉場額銀叁百陸拾捌兩叁錢伍分玖
釐叁毫在高州境內分行各府管糧官督行場官照
數徵解每季客商票稅引紙餉銀通屬廉州就近兼
理其提舉吏目俸薪馬夫及阜庫工食共銀肆百捌
拾餘兩悉行免編該司官吏另聽選撥而以裁革衙
門具請匪值省冗官且以節財用等因奉批事干題
請仰布政司會同按察司覆議報奪依奉備行守巡
海北二道并廉州府查議相同到司隨該本司左布

政使游應乾會同按察司按察使王儼看得設官以分職
職易舉則官不必於冗員餘廩以稱事事易集則廩不必於
虛費海鹽哥原為提舉十三場計耳顧遠者法令難及已
奏隸貳府徵解近者課額易完又無事提舉督催是
該司衙門誠擁虛名雖歲督稅票引價不過壹百柒
捌拾金而吏目賂餉亦僅肆伍拾金總計提舉吏目
俸薪夫馬等費乃歲糜肆百貳拾餘金是所出浮于
入之半其當裁革明甚今該司以柒場課額事簡欲
此陸場分屬高瓊事例併于雷廉及高州府管糧官

附近徵解鹽引稅票等銀仍以廉州佐兼理其石康
批驗所印記議委府首領及縣佐輪管此誠官民兩
便且亦節財省費於地方大有利益再照提舉吏目
既裁則歲用夫馬等銀貳百叁拾餘兩原派拾叁場
竈丁辦納應照道府所議免編其俸薪紙劄工食各
項共銀壹百玖拾叁兩肆錢零原派叁府州縣徵解
今鹽司既革應否照舊徵完貯候別用抑或免行派
徵統候裁酌等因到職據此案查先據該道具詳已
經批行布政司會同按察司覆議通詳去後今據前

因該職會同巡按廣東監察御史劉會看得建官所以位事也官領除目來居然無所事事則官可省也已廣東海北之有鹽課提舉司也原為管理陳村樂會等壹拾叁場鹽課而設也今拾叁場之中割去其陸矣緣此拾叁場中有坐落裊遠催徵難周者正統初奏准遂割陳村樂會等伍場屬之瓊州割博茂壹場屬之高州即今該司所隸僅白沙等柒場而已額課僅貳千貳百有奇而已節年場官徵解俱中程無煩司官催督而其所辦納者止引餉壹百柒捌拾兩是課

減而官備也司官寔挂畫諾坐嘯之誚烏即無糜費猶當裁之矧提舉吏目廩餼與人役工食歲費至肆百餘兩視歲入之餉倍之矣得非所謂食浮于人而人負其官歟此提舉官高儀所以有裁革之條議也今據司道再三勸議要將白沙白石西鹽官寨肆場額銀壹千壹百柒拾壹兩肆錢肆分壹釐屬廉州府武郎東海貳場額銀陸百玖拾壹兩叁錢零壹釐屬雷州府茂暉場額銀叁百陸拾捌兩叁錢伍分玖釐叁毫屬高州府各管糧官督行場官照數徵解其客

商票稅引紙餉銀事務通屬廉州府佐兼理石康批
驗所印記議委府首領及縣佐貳輪管該司衙門提
舉吏目俱行裁革各官每歲原派各場辦納夫馬等
銀貳百叁拾餘兩及派叁府徵解俸薪紙劄工食等
銀壹百玖拾叁兩肆錢零俱行免徵以寬民力此誠
官民兩便之計也或以為官無統則事不集如之何
殊不知向也以陸場分屬高瓊兩府自正統以迄于
今未聞鹽課稍缺也陸場既可屬之高瓊無害安有
崇場不可屬之雷廉者耶僉議海北鹽課提舉司衙
門裁之便相應免從伏乞

勅下吏部再加議覆將海北鹽課提舉司准行裁革
各官送部別選吏後另撥補參該司印信送布政司
收貯聽候類繳其催徵各場鹽課與權收票引稅餉
及減免俸薪等銀照前議施行庶官不至于虛設財
不病于糜費而沿海地方少有裨益等因該吏部覆
題將海北提舉司裁革原管各場鹽課分屬高雷廉
三府管糧官督徵庶官省而用節課足而民舒奉
聖旨是欽此欽遵

外史氏桀曰夫鹽者生民日用之急不可已也
煮海則天地自然之利不容已也按禹書有鹽
絀之貢此為賦鹽之始周禮有鹽人掌鹽之政
令此置鹽官之始漢武元封初以東郭咸陽孔
僅為大農丞言山海天地之藏宜屬少府願募
民自給費因官器作鬻鹽官與牢盤凡鹽官二
十有八郡此為權鹽之始南海之鹽翻波而煮
與齊岱無異乃其利稍亞焉及唐元和稅煮海
四十萬緡宋天聖歲鬻五十一萬三千六百餘
緡而鹽法始大行矣歷代建設不同我

明洪武初置廣東海北二提舉以理鹽課弘治六
年設僉事憲臣以董鹽政法綦詳矣第鹽之為
利如泉之流不可壅也近有議開餘鹽之利以
濬其源弛私鹽之禁以疏其流者其言似亦可
採何謂開餘鹽之利夫鹽貴流通而不宜闕之
也先年御史李信言每正鹽一引許帶餘鹽二
引詹事霍韜亦議每正鹽一引許帶餘鹽三引
或令商人於緣邊報中或令商人於鹽場買補

如此是 國家獲額外二三倍之利而竈丁亦
得二三倍之息公私兼利商竈兩便誠為法之
得也何謂弛私鹽之禁蓋行鹽地方雖有定限
而鹽之為利本自無窮唐劉晏謂任其所之宋
歐陽脩謂各處鹹池盡令煮鹽而官不為禁蓋
水之行於地中也遇坎則止盈科則進鹽之行
亦猶是也何必限之然且勢之所不能限也二
者言似近理聊書之以備採焉黃泰泉先生有
言興革鹽政必處價以寬報納時秤以平市易
賑濟以紓亭戶又必禁權要之估中懲豪民之
罔利均竈窩之貧富則利興弊革鹽法可通斯
亦灼於廣南之鹽弊者

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

粵大記卷之三十二

政事類

嶺南郭棊篤周甫編

海防

洪武二年倭寇惠潮諸州

時天下初定海內又安倭夷竊發濱海一帶皆被
騷擾乃命行人楊載使日本以書諭其國王
書詳見使倭事畧中

四年倭寇海晏下川指揮楊景討平之

時海寇鍾福全李夫人等自稱總兵挾倭船二百

艘寇海晏下川等地廣州左衛指揮僉事楊景追
捕至陽江平之

二十七年秋七月甲戌始命廣東防倭

命安陸侯吳傑永定侯張全等率各武官往廣東
訓練沿海衛所官軍以備倭寇

永樂七年冬十月倭陷廉州教授王翰死之

翰河南人任廉州府學教授嚴立規程教誨不倦
倭賊陷城民皆逃匿翰整衣端坐明倫堂賊至欲
執之罵詈不屈遂遇害

九年三月倭陷昌化所千戶王偉死之

時副總兵李珪等擁兵不救城遂陷王偉力戰而
死軍上死者甚衆城中人口糧食軍器皆被劫掠

十九年正月辛巳李珪敗倭於潮州靖海海濱

珪先以昌化之陷戴罪殺賊大敗賊于靖海生擒
十五人斬首五級悉送京師

十二月辛丑命都督僉事胡原等備倭

同克總兵官都督僉事梁銘都督指揮使薛山為
副率原調廣東所屬軍士五十名巡捕倭寇

景泰三年夏四月海寇寇掠海豐新會備倭都指揮
僉事王俊有罪伏誅

時海賊寇海豐新會甚猖獗總兵董興使都指揮
僉事杜信往勦之被殺備倭指揮僉事王俊追至
清水澳不及還至荔枝灣海面獲白船一隻俊取
其檳榔蘇木等物縱賊開洋而遁事發追出俊賊
奏聞俊當斬奉 旨就彼處決號令於是誅俊梟之
嘉靖三十二年春正月海賊許棟寇潮陽縣招收等
里秋九月許朝光殺棟于江中

棟饒平黃岡人自結髮為盜搆通倭夷毒痛海上
垂及莫年潮人苦之棟無子養謝氏子為己子曰
朝光以所統賊衆數千半令掌之尋復流劫潮陽
招收等里自徃外洋留朝光屯海上及棟還自日
本朝光迎棟于石碑澳殺之江中因盡有其衆自
立為澳長君子曰朝光之殺許棟與安慶緒之殺
祿山其事殆相類蓋祿山忘堂堊之分以無君許
棟戕桑梓之邦以無父其滔天之罪均也使得偷
生何足以明天報今乃見屠於其子謂非天道癉

惡之微權乎

三十三年海寇何亞八等引倭入寇提督侍郎鮑象賢總兵定西侯蔣傅討平之

先是亞八與鄭宗興等潛從佛大坭國引番舶于沿海劫殺逸往福建收叛亡數千人與陳老沈老王明王直徐銓方武等流劫浙福復回廣東鮑象賢遣副使汪栢指揮王沛黑孟陽督兵捕之及於廣海三洲環生擒亞八等賊一百一十九名斬首二十六級餘黨脫逃徐銓方武等又自福建流竄

潮州為黑孟陽所破徐銓授首分巡兵備等官兵於潮州柘林等海洋擒斬一千二百有奇亞八宗興武與陳時傑等俱斬于市海島遂平

三十四年撫盜許朝光分據潮陽牛田洋後為陳滄海所殺

朝光自殺棟後沿海焚劫日熾當事者乃始昌為招撫之說聽其自據海陽闢望村威制海上又分據潮揭牛田鮑浦等處凡商船往來皆給票抽分名曰買水朝光復深居大舶公行擊斷間或出入

城郭列羽衛以要陪官之宴其橫如此後朝光竟
為其酋陳滄海所殺聞者快之今南澳有許朝光
舊寨云

三十七年正月壬午倭犯揭陽入蓬州所官兵擊敗之
先是壬子歲倭寇初犯漳泉僅二百人其間真倭
甚寡皆閩浙通番之徒髡頭以從至是船十三艘
賊八百人自漳泉犯揭陽縣適蓬州千戶所城崩
賊遂擁入殺百戶李日芳等提督都御史王鈞遣
副使林懋舉僉事經彥霖參將鍾坤秀知府李春

芳指揮劉天倫等官兵擊敗之斬首一百七十名
顆劉天倫復追至東壟港與倭血戰死焉

十月甲子倭賊自饒平攻黃崗鎮據其城官兵敗之
經彥霖等大敗賊衆俘斬一百四十六名是戰也
鄉夫之功居多

三十八年二月寇圍揭陽官兵大破之
時軍門駐潮州肇慶同知呂天恩與僉事經彥霖
率鄉兵合擊之斬獲甚多寇復趨揭陽圍城彥霖
帥師救之鄉夫斬金甲賊酋一人賊大敗走俘馘

無筭會彥來報罷僉事殷從儉代之乘勝逐北賊望風而靡黃崗鎮賊亦遁去

十一月庚午賊攻海門所官兵敗之走犯潮陽復破之先是賊在福建之平和與饒平黃崗鎮隔界而壘至是賊首許老等三百餘賊引倭千餘自磊門登陸攻海門所官兵擊之賊死甚多壬申南丹土目莫善等追賊與指揮孫敏擊敗之賊遁還平和丙子許老等犯潮陽縣丞范楠卿等兵擊走之賊由分水關犯黃崗鎮城通判翁夢鯉指揮李榮知縣

熊炅林叢槐率兵捕之己卯賊至南洋灣指揮馮良佐統目兵黃真莫善分為二哨千戶黃昇等統募兵打手為一哨南洋三灣諸鄉兵又協助之大破其衆賊奔聚關望港口甲午賊出揭陽蓬州都水沙村焚掠皆為我兵所敗十二月己亥賊寇隴外莆都辛丑賊自平和營於赤寮村揭陽棉湖寨丁未新賊自福建雲霄突入黃崗戊申關望賊出掠彩塘甲寅新賊與關望賊合踪出掠甲子棉湖賊突往蘆清官兵連戰皆破之俘斬凡一百八十

有奇

三十九年三月官兵會擊關望賊大破之
時賊為兵追急移屯潮陽貴山都屯指揮武尚
文及鄉兵連戰皆捷賊改營古埕乙酉賊遁往南
洋三灣典膳秦金與官兵合擊大敗之斬首三百
七十賊潰渡河官兵邀之復大捷戊子賊祭江而
渡誓復南洋灣之仇尚文等官兵又大敗之甲午
古埕營賊出掠官兵又敗之二月戊戌賊復回平
和沙嶺己酉賊至大湑橋目兵又勝之戊午賊復

來掠守備陳學翦兵擊之賊大潰俘獲八百有奇
四月僉事齊遇與海道叅將會師追之擒斬三百
六十殘賊悉遁

四十三年倭寇大犯潮州提督侍郎吳桂芳總兵俞
大猷討平之

自嘉靖壬子以來倭奴內犯浙直諸郡以次及閩
廣潮海之間歲被其患然尚倏至倏去至嘉靖癸
亥則屯住潮揭海濱衆號一萬甲子春新倭萬餘
繼至與舊合夥屠戮焚掠之慘遠近震駭桂芳新

簡來鎮甫二旬即躬董師東向前後動調狼土勁
兵四萬五千福兵一萬五千以伸威營總兵官俞
大猷帥之副總兵湯克寬叅將王詔門崇文副之
僉事徐甫宰監之相持兩月賊被圍困不得野掠
乃復分夥思遁我兵乘勢擊之一戰於泔水神山
溝俘斬一千一百二十七名顆再戰於海豐大德
港俘斬一千三百一十三名顆賊奔潰下海又陸
續擒斬六百六十二名顆餘賊掠船開洋者遇颶
風三日覆溺殆盡

秋八月海賊吳平攻潮陽神山古埕等鄉陷之

時倭自潮陽解圍遁去為兩廣督撫吳桂芳總兵
官俞大猷所破會海風大作倭多溺水死者至是
吳平乃挾殘倭流劫惠州海豐等處復轉入縣界
攻陷神山古埕諸村殘破福建玄鐘等所勢益熾
事聞詔閩廣兩省會兵剿之吳平退保南澳會
閩兵先至總兵戚繼光都司傅應嘉圍攻之搗其
巢穴平得間道去以小舟奔交趾官軍竟無所得
尋有見平於海島中抱枯樹死為螻蟻食者其後

平遺孽曾一本等仍復嘯聚海上為患高雷等府
被荼毒者數年

隆慶三年正月內叛逆把總周雲翔殺將投倭作亂
總督侍郎張瀚同巡撫廣東都御史熊桴督兵討平之
先因倭奴突犯海豐平山之間巡撫親臨惠州調
度分委叅將王詔雷瓊叅將耿宗元各統兵一營
尅期進戰至則倭奴擁衆拒戰宗元部將周雲翔
先退致賊逐北宗元憾其無功欲斬以徇雲翔懼
誅是夜鼓衆二千餘人焚營稱叛襲殺宗元併執

留監催通判潘槐直逼惠城撫院發兵與戰擒斬
一百三十餘功周雲翔乃奔烏柏塘投倭時通判
潘槐在虜中乃用間倭夥執首惡廖鳳以獻又戮
叛黨四百餘人餘皆逃散惟留周雲翔曾德久等軍
門乃借調南贛叅將蔡汝蘭贛州府練兵同知方渠
等官兵三千五百員名前來協同總兵郭成標兵
戰於平山鹽路礮東洲坑俱大捷通判潘槐亦得
生還周雲翔與其黨曾德久黃遷皆生致礮于市
是役通計擒斬倭王丘古所并倭奴一千三百五十七名

是年六月海賊曾一本作亂總督閩廣軍務兵部左侍郎兼右都御史劉燾討平之

曾一本者乃廣東潮州人因倭寇之亂招亡納叛聚黨數萬出入閩廣大肆猖獗攻城掠地殺虜叅將繆印等直抵五羊焚我舟師經年不能平致厯聖懷下廷議推兵部左侍郎劉燾總督福建兩廣軍務以兵部員外王倬隨軍贊畫議於南北兩京帑銀內解發十萬以資兵食四月二十一日入境督催廣東巡撫熊桴福建巡撫塗澤民總兵俞大猷

郭成李錫叅將王詔等閩廣尅期相機會剿五月十二日一戰於銅山勝之六月十二日再戰於玄鍾澳又勝之二十六日再戰於蓮澳大勝之生擒賊首曾一本黨類數千悉除是役也蓋兩省夾攻之力然俞大猷建議造舟於閩身任其事竟以收功其筭多矣

四年正月倭寇廣海衛城陷指揮王禎鎮撫周秉唐百戶何蘭死之

三年冬十一月倭賊二百餘從西海登陸寇海宴

雙門等村城中有間發奸軍朱衣盧榮黃大孫等
因衛所遇之過當挾怨構藤峒賊丘樂閑輩五百
餘徒與倭合夥次年正月賊攻城時城中旗軍上
梧州班餘丁單弱初六日寅時朱衣先滅火殺人
賊由西南角入千戶寧紹傑棄城走掌印指揮王
楨鎮撫周秉唐戰敗死之百戶何蘭力戰被重鎗
逾日而死倭住城四十六日殺戮三千餘人官舍
房屋焚燒殆盡賊退肇慶府同知郭文通率狼浙
兵追之二兵不和敗沒文通僅以身免倭徒東歸

擄男女五百餘人時委新會知縣林會春勘驗招
集流亡請糧賑濟瘞枯骨於西郊死事者俱行恤
錄人甚德之事定寧紹傑擬典刑監故王楨周秉
唐之後俱照例陞級而何蘭以當日不在陣亡不
錄焉

五年冬倭賊大犯高雷地方提督侍郎殷正茂討平之
廣東倭患往年多於惠潮地方潮惠之民因遭殘
破自衛稍嚴而官府於該路設備頗密故此倭一
入徑向而之西自廣海以至陽電一帶村落盡遭

茶毒神電錦囊相繼被陷化州石城幾亦不免遠
近駭動正茂新奉命至蒼梧甫浹旬聞報即董
師東奔時羽書旁午議者謂倭奴兇狡夥黨尤衆
非如往年例大調狼土官兵未易殲殄正茂曰勢
已燃眉遠需何濟况兵貴先聲必須大將親行今
宜移緩就急重申賞罰破之無難遂檄總兵官張
元勳量移從化征兵親董赴援檄僉事李材許孚
遠叅政江一麟副使陳奎吳一介叅議周鳴埴各
分道督集所在官兵以叅將陳濠晏秋元等將之
仍屬僉事李材隨軍監督張元勳等各斬數十百
級賊勢披靡零星奔潛或遯入林菁或出海搶船
為偷生計官兵窮其所往凡俘斬一千零七十五
名顆倭患平

萬曆二年冬倭犯雙魚所提督侍郎殷正茂討平之
自隆慶五年冬海倭犯神電錦囊勦滅之後歲於
汛期加謹二三年間海無異航說者謂其或有創
懲弗敢復窺矣至是先得廣海香山報警檄總兵
該道發兵趣應之至則南遁矣雙魚為臨海孤城

援寡兵孱守者見倭驟薄城下惶亂自經人心失
恃遂為倭所據督府震怒將總兵等官通令戴罪
徂征時總兵張元勳監軍副使趙可懷自新會發
嶺西守巡叅政劉志伊僉事石盤自肇慶發叅將
梁守愚先發陽江官兵四集重懸賞格將士咸思
奮請闢乃三道及文武將吏日夜籌筭謂欲擣賊
巢先防奔逸庶不流毒支邑且計各賊海上無船
勢必奔陸頃設伏儒崗以待乃可收功已而賊果
棄城逸出為西奔儒崗計官兵遵方畧敵至伏起

遮道夾擊戰於藍水施村所向無前大收克捷共
計擒斬首級八百一十二名夥奪回被俘男婦六
十一名口噐仗馬匹無算其漏刃殘徒竄匿林菁
者復令官兵分道爬梳漸滅無遺類嗣是報有倭
夷百餘來自外洋由白額港登岸屯聚望夫坪石
等山官軍日夜攻圍勢難急下又該三道謀知敵
將漬園而出奪舟下海乃遂以舟為餌各賊果伺
隙奔出麻橋乘舟順流東下官兵用大砲邀擊之
舟沉倭溺計生擒及斬級共二十六名顆餘黨遁

入陽江康洲鷺步嶺者悉蕩平之

三年海寇林鳳突入廣澳總督侍郎凌雲翼擊走之
林鳳與林道乾皆曾一本餘黨也各擁衆數千流
劫海上猖獗多年為官兵所逐鳳因奔外洋攻呂
宋玳瑁港築城據守且脩戰艦謀協番人復圖內
暹福建巡撫劉堯誨遣人諭呂宋國王集番兵擊
之巢船燒燬賊衆大挫至是又從外洋突入廣澳
雲翼乃檄總兵胡守仁兵合追至獲賊徒男婦八
十餘人復追至淡水洋賊船飄遯兵隨擊之焚沉
艘二千餘隻鳳走遯外夷其後林道乾亦突入南
澳期月官兵擊之尋逃竄如林鳳云

五年倭寇突外洋滅之

日本薩子馬國賊合黨三百舟二十餘至温州南
堯外洋風擊舟壞散奔有倭舟俄帥四十餘人奪
白艚突犯大鵬外洋帶管海道副使孫光祖奉督
府方畧帥叅將胡震督兵追勦至九洲洋賊懼棄
舟登黃楊山叢林中拒敵各兵奮勇生擒二十三
人斬級六顆奪其舟械及被虜者八名

八年廣海瓊廉倭番入寇總督侍郎劉堯誨討平之
是歲閏四月倭賊自浙閩直犯廣州南頭福永海
面下令海道叅政劉經緯督遊擊韓沛追擊于翁
厓陶娘烏豬海洋滅之既番賊自大泥國糾結千
衆來犯瓊崖聲勢張甚督府下令叅將顧宗文夏
尚中領兵出海迎擊之毋令登陟首破賊于感恩
正追及于北黎魚鱗洲盡滅之時副使舒大猷叅議
王來賢僉事薛夢雷俱移署海濱監督各將凡斬
獲倭番海賊奪回被擄共四百八十名顆口其餘

焚蕩反覆者不計其數

二十五年六月總督侍郎陳大科議設復陽電叅將
以固海防

廣東三面距海接連島夷風帆迅駛疾如飈隼千里
可瞬息至也近者封事未結倭情變遷其在廣海尤
當思所以綢繆牖戶之計至是總督侍郎兼右僉都
御史陳大科題為倭警未息廣海防禦當周摘陳切
要時宜以固邊隅事查得潮之南澳廣之南頭肇慶
之北津電白雷瓊之白沙白鶴皆為沿海要區全粵

門戶務須存在周防事事有備竊見城垣繕治有未
固軍興糧餉有未充將領布置有未周士卒訓練有
未熟戰船火器有未齊整節檄各守巡該道加意講
求從實詳奪隨據守巡二道呈詳行布按二司會議
前來隨該會同巡按廣東監察御史馬文卿議照國
之防寇也譬諸人身之防病也必當視其受病之處
加必慎焉昔倭夷侵犯我粵一陷電白再潰雙魚皆
在陽電之間則陽電一帶固百粵受病之處矣今查
廣惠潮瓊等處俱設叅將雷廉南澳則設副總其布
星列盡地樞守乃高肇之間獨缺焉查萬曆四年前
督臣凌雲翼題設高州叅將一員專管陸路陽電叅將一員
專督舟師嗣因羅旁之役遂以高州叅將裁改駐劄
東山地方將陽電叅將議革於是陽電陸兵併之於
恩平守備北津水寨僅設 欽依把總一員統之而
高肇之交始無叅將矣該道鑒前慮後是以有設復
叅將移駐同知之議臣等廣集衆思僉謂陽電之間
一舍之外即為巨海節年寇患率由此登陸以震驚
全粵叅將之設是誠不容已也但議復陽電叅將則

可議移濶洲遊擊則不可何者濶洲有斷望平江等
地之防高廉固並重也移之雖省供億之費不能無
顧此失彼之虞惟北津把總一員初以革叅將而設
今亦宜以復叅將而裁即以其廩糧移給叅將似亦
相當至于高州府同知名曰海防乃令端居府城今
議以本官移劄梅祿均于海防有裨既經司道會議
僉同相應亟行題請准將陽電叅將設復前來於
二縣地方駐劄統領北津水寨兵舡遇汛出海防倭
遇警督兵邀殺息陽守備及衛所官軍俱聽節制合
用廩餼節湊處給北津把總應行裁革至高州府海
防同知照議移劄梅祿地方仍乞勅下禮部鑄給
關防一顆以便行事該兵部題覆設復陽電叅將裁
革北津把總奉

聖旨是欽此欽遵

二十五年十月總督兵部侍郎陳大科會同廣西巡
撫右副都御史戴耀題為仰仗天威交夷叩關願
奉職貢請特賜區處以柔遠夷

安南黎莫二氏構亂五年于茲黎維潭擅戕貢夷罪

應不宥祇緣恢復之名近正乞款之情頗真姑聽伏
罪議處乃夷情徂詐去年二月該道臨關詰勘定示
啟關日期修爾宵遁就經嚴行閉關一面整棚兵馬
以俟聲討維潭復具公文稱疏款齊備請乞定期賜
進所據先後情由似亦可原相應嚴行勘詰備行到
道牌仰潯州府同知黃宇思明府同知李陶成會同
左州知州楊繼顯督備吳懷仁傳檄黎維潭依期赴
關公同覆詰要見維潭是否黎氏之孫世系有何
確證鄭松的否黎氏舊臣維潭恢復通國臣耆有無
異詞抑或鄭松詐冒去年抵關因何託故逃回莫氏
世修臣職豈容黎維潭興兵擅殺豈忍遽令播遷盡
絕今當以何處地方量割以存莫氏其金印一節前
勘審係權時描摸但夷情詭詐再行究詰原印是否
失落描摸有無燒化務得實據取具各親供及各耆
目結狀明白以憑定奪仍嚴行檄諭流土人等但有
指稱索取餽儀謝禮者即時縛獻以軍法處治道府
以下自有本等廩糧各自洗濯併加關防毋致奸猾
指騙仍行黎氏遵照去後續據該道查議前來奉批

據報安南款事告成仰仗

朝廷之威稜頓免邊郵塗炭之苦百萬生靈之福也
應即馳奏但事体重大仰廣西布政司會同按察
司覆勘明確詳報以憑會題奉此該司布政使熊惟
學右布政使姚學閔會同按察使朱運昌看得安南
僻在徼外歷代制馭不同然大要羈縻令勿絕而已
明興亦倣此意以故黎季犛叛逆永樂間常郡縣之
矣然叛服不常恐其罷散中國旋以黎利主之莫
登庸僭亂嘉靖初嘗撻伐之矣未幾因其繫頸乞降

復以都統授之此皆祖宗恩威並用舒慘惟時馭
夷之策莫有尚焉者也今黎維潭的係黎利世孫
先朝棲之於漆馬江源流世系確有可考且其興師
恢復名義甚正恢復未幾即叩關乞款至再至三其
慕義又甚切啟關之日繫頸徒跣匍伏請死其執禮
又甚恭以祖宗待安南之法處今日之事似不當
復有苛求獨其擅殺貢臣一節安得無罪但急于報
仇不遑請命旋即叩關請死凜凜不敢自絕則亦足
以贖矣原降金印在莫登庸乞款時朝議追奪登

庸並未繳還想其時已失之矣今六十餘年屢經變
故豈能復存遺失之言似非飾說紙上之迹又屬描
模則金印似不必追求也其都統銀印似亦姑容行
使俟後另有頒降方勒繳還至于安插一節在黎氏
既聽 天朝處分在莫氏又願棲止高平即應斷高
平以與之舍此無為莫氏計者其稱藩頒封事宜本
司未敢輕擬呈乞 題請定奪等因到臣卷查先准
兵部咨為奔夷告急事該前督臣陳渠具題本部覆
議奉 聖旨這夷情便行與該總督官相機處置務

求安妥欽此欽遵又准兵部咨為交夷借住非宜
兵救援非策懇乞 聖明函勅當事臣工務嚴內備
毋勤逸畧以保治安以杜釁萌事該貴州道監察御
史徐元正題本部覆奉

聖旨是欽此欽遵又准兵部咨為馳報夷情事該臣
前巡撫廣西會同前總督巡撫等官陳渠等具題本
部覆議合候 命下移文督撫巡按衙門行令該司
道將領等官將切近安南要害嚴加防備一面傳檄
中詰問黎維潭為何不請命 天朝擅自攻殺貢

夷劫奪印信並查維潭果否黎氏子孫是否鄭松假冒取具通國耆老臣民結報待其具表送印請死方與奏聞區處莫氏見存人口聽于新安棲挿以存其宗祀其安南國王印信是否當年頒降之印即行追奪如莫氏尚圖復及有別項情節悉聽相機處置不失天朝大体亦不盡繩中國禮法務在內地無譁貢夷羈縻而已等因題奉

聖旨這夷情依議行與彼處相機處置欽此欽遵又兵部咨該臣會同撫按等官戴等具題前事人

該兵科署科事刑科左給事中徐成楚題為夷情詭秘可虞剿撫機當蚤決懇乞聖明亟勅當事諸臣及時審處以伐狡謀以全國體事俱該本部覆議合候命下移文廣西總督撫按衙門查照本部先今及科臣題議事理詰問黎維潭緣何候勘有期輒行宵遁若實係鄭松主使作何處治可撫則撫毋致黷武以窮兵當剿則剿毋令玩寇以養患務期操縱在我處置得宜勒限完報等因題奉聖旨是欽此欽遵又准兵部咨該巡按廣西監察御史黃紀賢題為

夷情雖屬反覆操縱貴審機宜懇乞 聖明亟賜裁
決以定 廟謨以靖疆圉事本部覆議合候 命下
移文廣西總督撫按諸臣查照題議事理要見黎維
潭候勘宵遁有無鄭松主使即今剿撫機宜作何決
策體勘情形及時審處統俟督撫奏到之日另行覆
請定奪等因題奉 聖旨是欽此欽遵俱備咨前來
節經案行廣西布政司轉行左江守巡道委官會勘
詰問去後續據該道呈報黎維潭於本年四月初十
日叩關請死乞降并進代身方物數目具報到臣即
將受降緣由先行具本題 奏外今據前因該臣會
同巡撫廣西地方都察院右副都御史戴 巡按廣
西監察御史林 看得安南僻在荒徼夷長更置不
常嗣入我 明斷自以陳氏為正而黎氏之代陳也
莫氏之代黎也總之皆篡也備考掌故 累朝處置
率多恩威並用雖嘗郡縣之而旋復捐棄之故黎利
抗命已甚矣及其服也 宣宗皇帝不難于權署之
授莫登庸僭制無比矣及其降也 世宗皇帝不靳
乎都統之封此列聖馭夷之洪摹而千古柔遠之上

策也乃今則有黎莫內訌之事而黎維潭自始事迄于今日壹是以恢復為名其中最喫緊者恐維潭假托乎黎氏子孫也則據安南通國臣民結供相傳世系有據咸願皈依舊主即查志畧當年勘核亦不外是矣又恐鄭松假托乎維潭也則據供鄭目世為黎臣同居清化共嘗艱苦毫無冒詐旋查莫氏申文所開亦黎自黎鄭自鄭判然矣乃若擅興師旅罪在不赦也則稱天高踞遠關禁謹嚴急于復仇不遑稟命不然何夾板文書悉從泛海又若臨勘宵遁豈得

為恭也則稱久住諒山粮草困乏本函諸件倉卒未辦不然何目今整完旋復前來此臣等所得于詰問者如此然猶是傳檄置對之詞也及屆期開關之日黎維潭面縛徒跣匍伏龍幄親率臣目恭聽處分凜凜如也差來夷使與夫夷楨鱗次而列魚貫而入秩秩如也又詰其貢物殊不及額則譯對此原非貢儀祇是一二方物件進代身本函候天朝許其貢然後敢脩貢焉又断断如也始信黎維潭乞款之忱恭順矣以視當年黎剎莫登庸之事並塵中國

徵兵費餉擾攘數年直至王師壓境勢窮乃降今
維潭曾不煩一矢之加遺而束身款塞稽顙獻琛也
若此藹蓋恭遇我皇上至誠淪浹化及豚魚文
德誕敷威行蠻貊維是鴻休光前而獨邁熙烈超
後而莫倫豈偶然之故哉臣等何幸躬逢其盛除効
勞文武官負另疏叙錄外所有處置事宜行據司道
會議前來臣等往復參酌竊惟安南一方生靈皆
陛下赤子不可一日無人管束今黎維潭既為衆所
推舉合疏代懇似應准從伏乞聖慈矜憐赦其既

往之愆鑒其一念之誠待黎雅潭以不死仍乞俯
順彼中民情姑假之事權使之統轄其土地約束其
人民其應授職銜或照莫登庸例授以都統使或改
給別項名色此則生殺予奪請自聖裁臣等不敢
定議原降國王金印屢經詰責執稱遺失已久似應
免追都統銀印見收封識暫令行使或別有頒給
另行追繳以後每年曆日行廣西布政使司照舊本
數頒行令赴鎮南關祇領三年貢儀乞命下禮
部查議或照莫登庸時所進品物或另有增減酌定

數目行令依期恭進其莫氏境土先已淪失近莫近
璋在東海新安亦被擒殺止有莫敬用等所遺無幾
逃竄靡定念係貢臣之後宜加保全據黎維潭願聽
處分莫敬用亦自願安插高平合照漆馬江事例斷
以高平府治一處撥給莫敬用安插仍禁諭黎維潭
以後不得侵害庶 朝廷之恩威益溥而交夷之大
小兩安不惟南徼百蠻知所感慕而四夷之來倣者亦
必有觀感而興起矣但事体重大臣等智識短淺一
時之見未敢必以為當伏乞 勅下該部再加酌議

上 請定奪行臣等欽遵施行除黎維潭具 奏奉
章及所進代身方物聽原差耆目親齎并差指揮白
明達吏目李加楨伴送赴京外等因又該巡撫廣西
地方都察院右副都御史戴耀巡按廣西監察御史
林道楠題同前事俱奉

聖旨該部知道欽此欽遵又准禮部咨同前事內稱
禮科抄出安南先國王黎利世孫黎維潭奏為披瀝
血誠款閔伏罪懇乞 天恩赦宥以慰僮悰以綏遐
壤事臣維潭竊聞天地生成無外日月臨照無私臣

雖僻居遐徼愛隔華風實賴天朝涵育以至今日
臣負譴至重積愆未伸不得不披陳於生成照臨之
下臣始祖黎利代陳氏之不祀宣德年間奉詔勅
署國事至正統年間臣祖黎麟奉勅頒賜金印封
為安南國王傳臣黎濬臣黎灝臣黎暉臣黎誼臣黎
調臣黎諲祖孫相繼保有南土恭職修貢罔敢違越
中葉遘屯權臣莫登庸擅柄逼逐臣黎諲脅立臣黎
應尋弒應自立以禪其子莫方瀛臣諲子臣黎寧播
遷清化源頭差陪臣鄭惟燎抱奏乞師救急聖

祖赫然震怒遣大將提重兵壓境重念交人塗炭宥
莫登庸以不死其臣祖黎寧遷居清化地方以主黎
祀臣父黎維邦係臣黎暉四世孫國人推戴與舊臣
鄭檢以復仇為念以征討自任恢拓舊疆保有西土
臣嗣守先緒嘗膽卧薪俟時觀變詎謂逆裔罪惡貫
盈國內離心臣乃順天之道因衆之怒督舊臣鄭檢
子鄭松卷甲而趨之遂執莫茂洽繼擒莫敬邦等土
地人民得完舊物臣即欲星馳函奏郊關梗阻隨
具夾板間道叩關三院司道衙門莫為臣轉達天

聽道踳遙長歲月逡巡臣復差人間閑浮海再乞款
附臣一念戀闕區區天日實照臨之唯是臣蠻
嶠細氓但知莫賊可殺誠得甘心以其餘瀝告我先
靈而不知非臣所得擅殺也臣竭天蹟地不勝殞越
荷蒙 天皇帝覆載高厚之恩不加顯戮許臣款關
聽勘開以自新之跡臣加額雪涕粉身罔報即於去
年二月親率國人抵闕亦既浹旬會兵士告飢瘴毒
為侵函進章奏倉遽未及整肅不得已據實呈報暫
求南歸臣惴慄不遑寧處隨於數月後續申前情院

道再三察臣備極恭懇諒臣委非反覆備將前後情
由詰勘明白臣乃於本年四月初十日率領通國臣
耆繫組幕庭匍伏龍馭恭進代身金人請死不謂南
徼荒裔再覩天朝威儀懽聲震動山谷響答臣何
敢復有希冀惟是臣黎之不絕於莫逆如綫 聖祖
念累世職貢之故棲之清化漆馬江意深哉覆露於
所不知若有待於 天皇帝今日再造哀而怜之也
臣徼天幸藉一成之旅之衆仰對 聖祖洪庥伏乞
天皇帝体聖祖所為棲臣祖清化漆馬江之心俾臣

得嗣服南土輸貢北關國內臣民早有統攝仍乞此
例藩事体世奉正朔長為外藩不惟臣之幸實一國
生灵之幸臣祖宗亦共啣戴於地下矣臣一欸未通
旦夕以冀除常貢儀品候頒恩 欽定之後照例依
期恭進外謹披瀝實情具本函封專差耆目馮克寬
阮仁贍等齎奏不腆方物代身金人聊將靖獻下悃
等因又該安南國小目鄭松等奏為投情輸欸乞
恩赦罪事情詞與黎維潭相同俱奉

聖旨該部知道欽此欽遵該本部看得黎維潭之於
交屬雖云復其故物莫敬用之於 朝廷亦久隸乎
貢臣由前則已逭其擅奪之罪而未討由後更當責
其立功報效以自明合無恭候 命下將黎維潭仍
准授安南都統使令其統轄土地撫治人民移文禮
部題 請另鑄銀印壹顆即令差未伴送押貢官賚
黎維潭以便欽遵行事舊印 奏繳每年曆日行廣
西布政使司照舊本數頒給其貢期貢儀等項俱聽
禮部查例議題自今受 命之後果永肩恭順貢獻
依期保境安民別無生事及有劾勞功績許該省總

督撫按查議代 奏加給爵賞本部會議另為題
 請更乞照例 特降勅諭一道約束遵守惟復別有
 定奪至於莫敬用等准撥給高平府治一處安插嚴
 禁黎維潭以後不得侵害務俾夷情警服荒徼救寧
 遠者定從處治等因萬曆二十五十月十六日本部
 署印左侍郎李 等具題十八日奉
 聖旨黎維潭既安輯舊疆又繫組服罪請命不失遠
 夷恭順之義朕念安南雖係夷邦人民不可無統黎
 維潭准授安南都統使仍寫勅諭并鑄印與他俾轄制

一方永遵王化餘照依擬欽此欽遵

廣東沿海圖



廣東沿海圖



且大記






























方天已

卷三十一

四十四

方天已


卷三十一

四十三






沿海從南而北自廣至遼
行餘八千五百餘程徑直
二千二百餘里自安南至
一萬二千餘里界內



外史氏棊曰夫倭蕞爾小醜耳洪武二年寇惠
潮四年寇海晏下川尋討平之至二十七年命
廣東防倭又於沿海置備倭官軍何
聖哲之深圖而遠慮若是也永樂七年陷廉州則教
授王翰矢其節九年三月陷昌化則千戶王偉
死其難自是賞一李珪而有功者勸僇一王俊
而有罪者惧倭乃畏威喙遜我粵救寧者百有
餘年至嘉靖末季憑陵殊甚然莫不有奸宄為

之自導也是故渠潮之役許棟之所釀也廣海
之戰何亞八之所引也牛田洋之寇許朝光之
所招也海門所之橫許元之所導也神山古埕
之陷吳平之所鼓也平山東洲之梗周雲翔之
所誘也則夫禁遏群小絕勾引之路把防海口
塞從入之門峻行保甲杜接濟之奸嚴詰貪婪
清苞苴之竇庶幾乎海防可肅而地方無虞當
事者誠不可不加之意已

粵大記卷之三十二



之或何原入之所引也于何序之冠辭想
研道止庵門所之類許元之所其此
之類其平之所故此平上其類之校得要
所方也類大張也非小地力引之也其
茶執人之白峻行保中杜新所之冠其
論之百之實其蓋于海防可商而地
事之或平可不加之意已

大正九年十二月二十二日



